

脾胃部

積塊癥瘕 婦人血積 胎前產後積 息積 面部
 面腫頰腮痛 面熱面寒 面青面塵 面赤 面黃 面白
 面黑 頰車病 癩狂通論 狂 欲獨閉戶牖而所 口部
 口苦 口糜 口瘡 口臭 喉腫 口疳 唇 唇瘡
 四肢肉卦 身重 息溢嗜臥 蟲毒 奇病

八
卷


醫心綱目

乙
子
五



醫學綱目卷之二十五

脾胃部



積塊癥瘕 婦人血積 胎前產後積 息積

大法

丹氣不能作塊成聚塊乃有形之物痰與食積死血成聚宜醋煮海石醋浸稜菰木桃仁紅花五靈脂附子之類石城白木湯下之 左龍子能消血塊又能消痰 治塊當降火消食積食積即痰也行死血血塊去後須大補之石城痰積有塊可用洗滌垢膩又能消食積 塊在皮裏膜外須用補氣香藥開之兼一陳湯加補氣藥先須斷厚味凡積病不可用下藥徒損真氣病亦不退當用消積藥融化開則自消

恒治積要法 許學士云太抵治積或以所惡者攻之所喜者誘之則易愈如礪砂水銀治肉積神麩麥蘗治酒積水蛭蠅虫治血積木香檳榔治氣積牽牛甘遂治水積雄

黃膩粉治痰積礫石巴音治食積各從其類也若用羣隊之藥分其勢則難取効須要認得分明是何積聚兼見何證然後增加佐使之藥不爾反有所損要在臨時通變也治積當察其所痛以知其病有餘不足可補可瀉無逆天時詳臟腑之高下如寒者熱之結者散之客者除之留者行之堅者削之強者奪之鹹以爽之苦以瀉之全真氣藥補之隨其所積而行之節飲食慎起居和其中外可使必已不然遽以木毒之劑攻之積不能除反傷正氣終難復也醫者可不慎歟

諸積皆本陰虛

潔古之法補虛

諸積皆本於喜怒傷臟而陰虛既虛矣則風雨襲陰之虛病起於上而生積清濕襲陰之虛病起於下而成積針灸條壯人無積虛人則有之皆由脾胃怯弱氣血兩衰四時

聖

有感皆能成積若遽以磨堅破結之藥治之疾似去而人已衰矣乾漆礪砂三稜牽牛太黃之類得藥則暫快藥過則依然氣愈消疾愈大竟何益哉故善治者當先補虛使血氣壯積自消如滿座皆君子則小人自無容地也不問何臟先調其中使能飲食是其本也

因鬱成積丹溪之法補中帶磨積為主

用有婦人三十歲因哭于至半年後胸痞有塊如杯飲食大減面淡黃慘黑若不勝衣六脈弦細虛澁至日晡後則發寒熱予察其事勢已急補瀉兼用以補中益氣湯隨天氣寒暄加減法與東垣痞氣丸相間服方見五積門食前用湯食後用丸常令湯多於丸些少如此近一月寒熱皆退食亦稍進又以丸用湯相等服之至第十月以後忽一夜大發寒熱至天明熱退胸中之塊如失至晚手足下半節皆腫遂停藥三五日後忽一夜手足之腫如失至天明

胸中之塊復有比如前覺小十暈遂以二陳湯加桔梗白
朮枳實調理半月而安次年復生一男一婦人四十餘
面白形瘦性急因大不如意三月後乳房下貼肋骨作一
塊漸漸長大掩心微痛悶飲食減四之三每早覺口苦
兩手脈微而短潛予知其月經不來矣為之甚懼辭勿與
治思至夜半其婦尚能出外見醫梳粧言語如舊料其尚
有胃氣遂以參朮歸芎佐以氣藥作大服一晝夜與四次
外以大琥珀膏貼塊上防其長經一月餘服補藥百餘貼
食及平時之半仍用前藥又過一月脈氣漸充又與前藥
吞潤下丸百餘貼月經不及兩月而室瀝脈減五分之四
時天氣熱意其經行時必帶紫色仍與前補藥加醋炒三
稜吞潤下丸以抑青丸十五粒佐之又經一月忽報塊已
消及大半月經及期尚欠平時半日飲食甘美如常但食

肉則覺不快予令止藥且待來春本旺時又與犀處至次
年六月忽報一夜塊大比舊反加大半指脈累弦左累法
於右至數日平和自言食飽後則塊微悶食行却自平予
意有動心事激之問之果然仍與前補藥加黃芩炒黃連
以少木通生姜佐之去三稜煎湯吞潤下丸外以琥珀膏
貼之半月值經行而塊散此是肺金為內火所燥木邪勝
生土不能運清濁相干舊塊輪廓尚在者因氣血之味盡
復也濁氣積留舊塊復起補其血氣使肺不受邪木氣平
而土氣正濁氣行而塊散矣方提領年五十六丁丑年
冬因飲酒後受怒氣於左脇下與臍平作痛自此以後漸
漸成小塊或起或不起則痛痛止則伏面黃口乾無力
食少吃此物便嘔此味轉惡風寒脈之左大於右弦瀝而
長大率左甚重取則全弦此得熱散太多以致胃氣太傷

陰血下衰且與和胃湯以補胃氣滋養陰血年下保和丸助其化精何胃實陰血稍充卻用消塊和胃湯方

人參錢三 白朮半錢 陳皮錢一 芍藥
歸身各五分 乾薑三分 紅花大豆 甘藥二錢

作一貼下保和丸廿五龍薈丸十五
向二法補氣血藥為主磨積出入佐之皆補多於磨乃氣血虛甚而有積塊之法也

飲食積肉成積

敢村婦人腹下有塊白朮湯下保和丸二十五粒
土郎心痛膈有塊與

白朮錢二 青皮錢一 芍藥 木通
川芎 蒼朮各一錢 甘草五分

作一貼煎下保和丸三十粒
馮氏女年三十歲形瘦色嫩滋味素厚幼年曾踏雪嘗以

次烘鞋履以致濕熱上襲至廿五歲時口嘗吐清水吞酸醫用丁香等熱藥時止時作時仍服前藥至當年心痛胃痞有塊吃飯即吐比常出二之一遂與佐金丸廿四粒以姜湯下之與三十餘次全不進食言白結已開矣且令止藥或口乾思飲止與半盞熱水間以青六丸與之雖困臥着床尤以絕藥為善如此近四十日診其脈前後些微弦重取似瀼輕取稍和至此弦脈漸添遂令與人參酒芍藥湯引金瀉木漸漸思食而苦於太便秘病家必欲行大黃予止之遂以生芍藥陳皮桃仁人參為丸與之用蜜煎導太便行而食進調理半月而安
參萸丸即佐金丸加入參一錢是也
盧子裕左脇下因癰後食肉與酒而成塊

白朮錢一 柴胡醋炒一錢 茯苓錢二 枳殼炒五分

人參五分

作湯下阿魏五保和廿抑青十與點十玫瑰五

長垣朱郎因酒多年濕病脇上有塊腹滑泄小便黃

大滑石兩 白朮 三稜各六 陳皮錢五

黃連 猪苓各三 黃芩 木通各二

防風半錢 乾姜錢一 甘草五分

分七貼煎下保和丸二十

一丈夫肚左邊帶脇上有塊先吃溫食牛乳若成氣痛又

因酒肉塊大如桃食減三分之一

滑石兩 白朮錢四 陳皮 三稜三

蘿蔔子 連翹 黃連各一 乾葛半錢

桃仁廿 黃芩錢一 甘草錢半

右分四貼水煎服

婦人脇下有塊大如掌脈滑時有熱此虛中有氣積先與
補虛次與磨積藥

白芍 歸鬚錢四 陳皮 白朮三

青皮 川芎 水通錢一 甘草錢半

白水煎熱服

磨積藥

三稜醋煮 枳實 青皮 桃仁各五

大黃錢五 桂枝半 海藻醋煮

細末神麩糊丸如桐子大每服四十九

世一孺人左脇下舊有塊漸長大脈弦而大稍數詢之近

亦發熱食亦減倦怠先與補之次攻此塊

陳皮錢五 白朮兩 柴胡 歸頭

青皮錢五 甘草錢一 木通半錢

體虛有熱成積

右作八貼服

次與玫瑰

桂枝三錢

醋末神麴糊為丸

一丈夫脇下有積塊內有痰熱汗不得滿兩脈大而散以此體有虛

三稜錢

連翹

甘草五分

厚朴

富小婦瘡後左脇不塊小便

木通錢

柴胡錢

右食前熱服

青皮兩半

海藻三錢

桃仁錢

三稜兩半

白朮

木通錢

水煎

黃連錢

川芎

保和丸

人參二錢

桂錢

柴胡錢

白朮錢

三稜錢

青皮五分

甘草錢

生姜斤

按之痛者消之

下邪錢舉正月發少因此膈邊有塊二夜發起則痛伏則不痛有時又隱痛自灸膈中脈甚弦右手伏重取則數此蘊熱因春欲汗解而氣弱不能自發為汗復鬱又因食不節邪挾宿食所以成塊宜以保和二十溫中二十抑青出用白朮木通三稜湯下

右十法皆補藥與糜積相半兼服之前七法治飲食酒肉成積後三法治體虛有熱成積也

丹陳里長男廿七歲舊因飽食牛肉葶藶患嘔吐又不節飲食右脇下生一塊漸長今大如掌痛發則見痛止則伏其脈弦而數知此人必性急塊上不可按按則愈痛痛則必吐黃酸苦水詢之果然或作腎氣治言曰非也此足太陰有食積與濕痰

荔枝核燒二箇 山梔炒五箇 枳實炒十箇 山查九箇

茱萸炒九 丁方有人參

右細研急流水一盞湯起煎沸入生姜汁令辣食前熱服與六貼吐二十貼服四貼與此藥且止其痛卻與消塊藥

半夏末太錢身角六箇水煮取汁推半夏末晒乾

黃連炒五錢

石城二錢另研

已上三件同為細末以糖球膏為丸如胡椒大

冊一婢色紫稍肥性沉多憂年近四十經不行三月矣小腹中有一氣塊初起如栗漸如炊餅予脈之兩手皆滑重取卻弱和試令按塊痛甚捫之高才半遂與千金消石丸至四五次後忽自言乳頭黑且有汁恐是孕予曰非也清脈無孕之理又與三五貼脈之稍覺虛豁予悟曰藥太峻矣令止前藥與四物湯倍白朮佐以陳皮炙甘草至三十

消痰成塊者滑去之

此候脈完再與消石丸數次忽自言塊消一暈便令莫服又半月經行痛甚下黑血半升內有如椒核者數十粒而塊消一半又來索藥以消餘塊予曉之曰勿性急似開矣不可又攻若次月經行當消盡矣次月經行下少黑血塊反消一暈文來問藥予曰且守禁忌至次月又消盡已而果然大凡攻擊之藥有病則病受之病邪輕而藥力重則胃氣受傷夫胃氣者清純沖和之氣也惟與穀肉菜菓相宜蓋藥石皆偏勝之氣雖參芪輩為性亦偏况攻擊之藥乎此婦胃氣弱血亦少若待塊盡而去藥胃氣之存者幾希矣

一婦人年五十五歲形氣俱實富而神勞味厚性急常經水過多醫每用消藥止後病氣痛胃腹共有積塊木小十三枚遇夜痛甚着床累月飲食雖減應接家事如故其脈

隨氣上塞咽中者吐之

兩手皆瀋而弱此因屢用瀋藥致敗血積聚不行故爾時三月間用蜀葵根煎湯再煎人參白朮陳皮青皮甘草稍牛膝成湯入玄明粉少許研桃仁調熱飲之服至三貼腹痛下塊一枚再并查煎服又下一枚時以病久血耗不敢再取塊告技窮而歸後想此症患病雖重其形質尚可受藥但當去蔡根玄明粉其後塊漸消而病安

白朮半錢 陳皮 半夏錢 桔梗
青皮 木通錢 甘草些 生姜片

煎服二次病遂平復再與前藥半月後加桔梗煎一服令其吐吐出痰積遂愈
于和息城司侯聞父死于賊乃大悲哭罷便覺心痛日增

氣結者

暴積急去之

不已月餘成塊狀若覆杯大痛不堪藥皆無功議用燔針炷艾病人惡之乃求治于戴人戴人至適巫者在其傍乃學巫者雜以狂言以謔病者至是大笑不忍回面向壁一二日心中結硬皆散戴人曰內經言憂則氣結喜則百脈舒和又云喜勝悲內經自有此法

丹昂宗信年六十素好酒八月間因暑熱中得疾兩足冷過膝上腕有塊如掌牽引脇痛不可眠臥飲食減半卻不渴已自服生料五積散三貼予脈之六脈俱沉瀋而小按之不為弱皆數而右為甚大便如常小便赤色遂用大承氣湯減太黃之半而熟炒加黃連芍藥川芎乾葛甘草作湯下瓜蒌仁半夏黃連貝母九至十一貼足冷退至脛塊減半遂止藥至半月飲食復舊諸症悉除

厚樗宗元慕救死方元和十二年十月得腳氣夜半痞絕

脇有塊大如石且死因太寒不知人三日家人號哭榮陽
鄭詢美傳杉木湯服半食頃大下三次氣通塊散其方用
杉木節一大升橘葉一木升無葉以皮代之大腹枳榔七
箇合搗碎之童便三木升共煮取一升半分二服若一服
得快利停後服

肘治卒暴癥腹中有如石刺痛牛膝一木把并葉酒煮飲

外治卒暴癥腹中有物堅如石痛欲死取蒟藿根一小束
洗瀝去水細擘以酒二升漬三宿煖溫服五合至一升日

三若欲速得服於熱灰中溫令藥味出服之此方無毒神
效

右暴積急去條四方如塊除後必用補劑以救其受攻
之傷也

海萬病紫苑丸療臍腹久患瘵癖如枕大及諸黃病每地
氣起時上氣衝心繞臍絞痛一坵虫咬十種水病十種蠱
病及反胃吐食嘔逆惡心飲食不消天行時病女人多年
月露不通或腹如懷孕多血天陰即發又治十二種風頑
痺不知年歲晝夜不安夢與鬼交頭多白屑或哭或笑如
鬼魅所着腹中生瘡腹痛服之皆効

紫苑去苗 吳茱萸湯洗七次焙乾 菖蒲

柴胡去鬚 厚朴姜制各一兩 桔梗去聲 茯苓去皮

皂莢去皮 桂枝 乾姜炮 黃連去鬚

蜀椒去目及閉口 巴豆去皮膜 人參去芦各五錢

川烏臍去錢 加羌活 獨活 防風各一兩

右為細末入巴豆研勻煉蜜丸如桐子大每服三九漸
加至五九七九生薑湯送下食後臨臥服有孕者不宜

服其引于後

痔漏腸風酒下 赤白痢訶子湯下 膿血痢芥飲湯下
 下 墮傷血悶四肢不收酒下 蛔虫咬心栴榔湯下
 氣噎憂嗜荷葉湯下 打撲傷損酒下 中毒掃帚
 灰甘草湯下 一切風升麻湯下 寸口風栴榔湯下
 霍亂乾姜湯下 咳嗽杏仁湯下 腰膝痛豆淋酒
 下 陰毒傷寒溫酒下 吐逆生姜湯下 飲食氣塊
 麩湯下 時氣井花水下 脾風陳皮湯下 頭痛水
 下 心痛溫酒下 大小便不通燈草湯下 因物所
 傷以本物湯下 吐水藜湯下 氣病乾姜湯下 小
 兒天弔風搐防風湯下 小兒疳痢葱白湯下 小兒
 乳食傷白湯下 月信不通紅花酒下 婦人腹痛川
 芎酒下 懷孕半年後胎漏艾湯下 有疝氣衝心酒

下 產暈痛溫酒下 血氣痛當歸酒下 產後心痛
 腹脹滿豆淋酒下 難產益智湯下 產後血痢當歸
 湯下 赤白帶下酒煎艾湯下 解內外傷寒粥飲下
 室女血氣不通酒下 子死腹中菜子湯下 又治
 小兒驚癇大小顛狂一切風及無孕婦人身上頑麻狀
 如虫行四肢俱腫呻吟等疾 楊謝馬患風氣衝心飲
 食吐逆遍身枯瘦日服五丸至二十日瀉出肉塊如蠟
 麻五六枚白膿二升愈 趙侍郎先食後吐目無所見
 耳無所聞服五十日瀉出青蛇五七條四十許惡膿三
 升愈 王氏患太風病眉髮墮落掌内生瘡服之半月
 瀉出癩虫二升如馬尾長寸許後愈 李靈惠肥氣病
 日服五九經一年瀉出肉蟹二十枚愈 黃門卒中風病
 發時服藥泄出惡膿四升赤黃水一升一肉虫如亂髮

蒲黃炒微 麝香研 當歸去 桔梗去
 大戟炒 乾姜炮 防風去 黃連去
 朱砂飛研 犀角鎊 前胡去 巴豆去皮心
 細辛苗去 葶藶炒 肉桂去粗 茯苓去
 桑白皮炒 芍藥 川椒去目及閉口
 甘遂各一兩 蜈蚣去頭足 芫青二十八枚入大
 色去頭足 石蜥蜴去頭尾足
 右為細末入研藥勻煉蜜為丸如豈大若丁歲已下小
 兒有疾者令乳母服兩小豈大亦以吐利為度近病及
 卒病多服積病久疾即少服常服微瀉利為度 卒病
 欲死服三九取吐利即瘥 卒病惡口禁服三九漿水
 下利即瘥 五疰鬼刺客忤服三九 男女邪病歌哭
 腹大姪娘者服三九日三夜一聞食服之 蠱毒吐血

腹如刺服三九不瘥更服 瘡病未發前服三九未瘥
 更服 諸右痰飲者服三九 冷癰日三服每服三九
 皆間食常令微瀉利 宿食不消服三九取利 癰瘕
 積聚服三九日三服 拘急心腹脹滿心痛服三九
 上氣嘔逆胸膈滿不得臥服三九不瘥更服 木痢服
 三九日三服 疳蠱服三九或一丸如杏仁大和醋二
 合灌下部中 水病服三九日再服間食服之瘥止
 人弱即隔日服 頭痛惡寒服三九覆取汗 傷寒天
 行服三九日三服間食服之 小便不通服三九不瘥
 明白更服 大便不通服三九又內三九下部中即通
 耳聾傳急以綿裹如棗核塞之 鼻衄服三九瘥
 腫疔腫破腫內三九如麻子大日一傳之赤根自出
 疔疔腫血出以猪脂和塗有孔則內孔中瘥 癩瘡以

醋泔洗訖取藥和猪脂傅之 漏瘡有孔以一丸內孔
 中和猪脂傅上 痔瘡塗綿筋上內孔中即瘥 瘰癧
 以醋和塗上瘥 癰瘡以布指令汗出以醋和塗上日
 一易瘥 胸背腰脇腫以醋和傅腫上日一易又服二
 九 諸冷瘡積年不瘥者以醋和塗之 惡刺以一丸
 內瘡孔中即瘥 蝮蛇螫以少許內螫處若毒入腹心
 煩欲絕者服三九 蜂螫以少許傅之瘥 婦人諸疾
 胞衣不下服二九 小兒驚癇服二九如米許以塗乳
 令小兒啣之看小兒木小加減 兒客忤服二九如米
 大和乳塗乳頭令啣之以意量之 蝎螫以少許傅之
 瘥 小兒乳不消心腹脹滿服二九如米許塗乳頭令
 啣之即瘥

羅乾柿丸取虛責積下脂甚妙

熱積
消之

朱砂研為末 沒藥研 猪牙皂角去皮弦子
 乾姜炮為末 乾漆炒烟盡 京三稜炮為末 輕粉一錢
 青礞石煨為末 水銀一錢鉛一錢 巴荳三十粒去皮
 右件各研勻軟飯和為丸如棗許以煎柿蒂湯冷下三
 五丸加減用婦人有胎不可服
 小腸移熱於大腸為之癰為沉全文見診
 消石丸治癰瘰

硝石六錢 大黃八錢 人參 甘草各三錢
 右各為末先將硝黃末以三年苦酒先煎候乾却用
 參甘二末和勻為丸每三十九丸米湯下四日一服候下
 如雞肝或如米泔赤黑色等效下後忌風冷

羅醋煮三稜丸治一切積聚不拘遠年近日治之神效

京三稜 四兩醋煮透
竹筴切晒乾

川芎 二兩
醋煮

右三味同為末醋糊為丸如桐子大每三十丸溫水下不拘時病甚者一月效小者半月效

羅神功助化散專治男子婦人腹中疝塊不拘氣血食積所成此方之妙不可盡述

地扁蓄 錢五 瞿麥 錢五 大麥蘗 錢五 神麴 二錢

沉香 半錢 木香 半錢 甘草 分五 大黃 兩二

右為細末淨依分兩和生男以甘草淡竹葉二味等分煎湯及無來酒同調服酒多於湯婦人用紅花燈心當歸等分煎湯及無來酒同調服酒多於湯忌油膩動氣之物及房事一月藥須用黃昏服大小便見惡物為度神妙非常誓不輕傳匪人

聖散子治遠年積塊及婦人乾血氣

礪砂 兩六 大黃 兩八 麥蘗 兩六 乾漆 燒過

薑黃 兩六 茴香 炒 檳榔 各一 如婦人乾血

氣加川山甲 二兩

右為細末每服三錢溫酒調下仰臥此藥只在心頭至天明未便如魚腸小便赤為驗取出並無毒有神効小兒用一錢十五已上五錢空心服之更効

寒積熱消之

寒氣客於小腸膜原之間絡血之中血泣不得注於太經血氣稽留不得行故宿昔而成積矣 謹文

海紅丸子治大人脾積氣滯胸膈滿悶面黃腹滿脹四肢無力酒積不食乾嘔不止脾連心胸及兩乳痛婦人脾血積氣諸般血癥氣塊及小兒食積骨瘦面黃肚脹氣急不嗜飲食漸成脾虛不拘老少並宜服之

京三稜五斤水浸軟分 蓬朮五斤 陳皮五斤

青皮五斤 胡椒三斤 乾姜二斤

右研六味同為細末醋糊為丸桐子大每服紅為衣每二十丸食後姜湯吞下

羅雞爪三稜九治五臟痰癖氣塊

雞爪三稜 石三稜 京三稜 木香

青皮去白各 陳皮去白各 硃砂 煨榔

肉苁蓉略一

右為細末生薑汁麪糊為丸桐子大生薑湯送下

硃砂煎丸消積磨塊一切凝滯

黑附子二枚各重五錢已上者 木香三

草撥一 硃砂三錢 開網在盒內火上蒸乾

破故紙一兩隔紙微炒

右將飛過硃砂末封在附子盒內却用剝出附子木蓋口用和成白麪裹約半指厚煨火灰內燒白黃色去麪用木香等為細末卻用元吳附子熟黃麪為末醋調成糊為丸如桐子大每服十五丸至三十丸生薑湯送此藥累有奇功

木治癥九治丈夫女人小兒年深日近沉積癥塊面色青黃時上搶心吐水吞酸舌生白沫婦人積年月經不調漸成血氣或血蟲塊中焦之間覆如杯椀連年累月漸成瘦瘠寒熱往來一切脾胃受寒久不痊愈之疾並皆治之

巴荳五兩云 蓬朮三兩 京三稜三兩

丁香皮二兩 木香一兩 丁香半兩 厚朴三兩

石菖蒲二兩 良姜一兩 蜚虫一兩 川牛膝一兩

香附子四兩 石蓮子兩 薏苡仁兩 史君子三兩

右為細末稀麩糊為丸如菘菹大積年癥瘕成塊者第一服用熟水下二十九丸自後每日二十九丸更量虛實加減與之五日去盡積塊若近脾胃有積者每服五丸米飲吞下服取効婦人血氣成塊及血瘕每服二十丸用蘇木酒童子小便各半煎五七沸令溫空心吞下自後每日用溫酒下其血塊逐旋消從大小便去盡自知小兒疝虫腹痛不能忍日夜叫喚百藥不效者陳皮湯下七丸立効諸虫皆宜且下嘗服或白湯或麥湯下三五丸中酒及酒積太便鮮臭者白湯與酒各半吞十九丸立効如神一切咽塞心下硬痛皆用棗湯下五丸不拘時候

寒熱道川方

羅玄胡索丸治吐利腹脹心腹痛癥瘕氣結虫煩不安順

玄胡索

當歸

青皮去

雄黃飛

廣茂炮

木香

檳榔

京三稜炮各

右為細末入雄黃水糊為丸桐子大生姜湯下

荆蓬煎丸破癥瘕消癥塊冷熱積聚胃膈痞悶通利三焦

升降陰陽順氣消食

京三稜二兩酒浸冬

枳殼炒一

廣茂二兩醋

青皮去

茴香炒微

檳榔各一

木香根

右為細末水糊為丸豌豆大每服三十九丸生姜湯下

丹潤下丸治積塊方見咳嗽

世二賢散消積塊進食

橘紅一斤

甘草兩

鹽炒

右用水二四碗從早煮至夜以爛為度水乾則添水晒

乾為末淡姜湯調下有塊者加姜黃半兩同煎藥煮
氣滯加香附二兩同煎藥煮 氣虛者加沉香半兩另
入噤口痢加蓮肉二兩去心另入

驚積

右自久積緩除條至此一十六方皆純是磨積之劑必
用補氣血藥相兼服之純用之致死乃醫殺之也謹之
驚嵐成塊者妙應丸加川山甲炒驚申燒各三錢玄胡索
蓬朮各四錢每五十九加至七十九以利為度妙應丸即
控涎丹方

茶積

丹茶癖喜吃茶及吃乾茶者

石膏

黃芩

升麻

為末沙糖調服

酒積

世酒積方累効

烏梅兩一

半夏錢七

青木香錢四

枳實兩半

砂仁兩半

杏仁錢三

巴霜錢一

黃連酒浸一兩

虫積

右為末蒸餅丸菴菴大每八九白湯送下

褚澄傳云澄善醫為吳郡太守百姓李道念以公事到郡
澄見謂曰汝有重病答曰舊有冷病至今年久眾醫不瘥
澄為診曰汝病非冷非熱當是食白淪雞子過多所致令
取蒜一升煮食吐二物如升涎暴之開看是雞雞羽翅瓜
距其足能行走澄曰此未盡更服餘藥又吐得如向者有
十三頭而病都瘥

痲有久病心腹漚煩彌一歲診曰腹有蠱誤食髮而然令
餌雄黃一劑少選吐一蛇如拊指無自燒之有髮氣乃愈
此殺毒虫之驗也

右二方吐虫積之法也

兩脇下積塊

丹治食積死血痰積成塊在兩脇動作腹鳴嘈雜眩運身
熱時作時止

經年未去

黃連一兩半用茱萸益智 山梔半兩 川芎

神麴 桃仁去 三稜 蓬朮各半兩

香附童便 山查各一兩 蘿蔔子炒一兩半

右麴粉丸又方有青皮半兩白芥子一兩半炒

治脇痛有塊龍膏丸二錢半起料 加姜黃 桃仁各半

右蜜丸服

世小阿魏丸治脇下積塊

其三稜醋炙一兩 蓬朮醋製一兩 青皮醋製二兩 胡椒三錢

木香兩 麝香分 阿魏二錢

石為末醋煮陳倉米粉為丸桐子大

和菓園劉子平妻腹中有塊如瓢十八年矣經水斷絕

諸法無措戴人令一月之內涌四次下六次取去痰

二桶其中不化之物有如菜葉煮爛魚腸之狀涌時以水

此下法

塊部分
痰食氣
血諸積

如意攪之覺病積如括漸漸而平及積既盡塊痕反窪如
百畧無少損至是而面有童色經水復行若當年少可以
有字

丹治塊在何部分 在中為痰飲 在右為食積 在左

為血積 潤下丸治痰積方見

阿魏丸去諸積

山查 南星皂角 半夏同南 麥牙

神麴 黃連各一兩 連翹 阿魏醋

瓜蒌 貝母各半 風化硝 石菖

胡黃連 白芥子各二錢半 蘿蔔子一兩

右為丸姜汁浸炊餅丸一方加香附蛤粉治嗽

羅破積導飲丸治內有積塊堅硬飲食不消心下痞悶

木香 檳榔 陳皮白 青皮白

枳殼炒

枳實炒

廣茂炮

京三稜炮

半夏湯洗七次

神麩炒

麥蘖炒

茯苓

乾姜

澤瀉

甘草炙各五錢

牽牛頭末錢六

巴豆三十枚去心膜

右為細末入巴豆霜令勻生薑汁打麩糊為丸如桐子

大每服二十九溫姜湯送下食前

無小二稜煎治食積酒痞血積氣塊時發刺痛全不思食

積滯不消心腹堅脹痰逆嘔噦噎酢吞酸

京三稜

蓬朮各四兩

芫花一兩去梗葉

右同入甕器中用米醋五升浸滿封器口以炭火煨令

乾取出稜朮芫花以餘醋炒令微焦焙乾為末醋糊

丸如棗葶大每十五丸生薑湯下

羅神効五食湯丸取虎骨積氣食蠱脹積塊水氣年深

瘕並皆治之

大戟括去皮

甘遂生各半兩

猪牙皂角生去皮子

胡椒生二十沸研半兩

芫花醋浸一宿取出炒各二兩

巴豆去皮膜心醋煮

右件除巴豆杵羅為末入巴豆再研勻水煮麩糊為丸

如棗葶大每服五七丸氣實者十九夜臥水一盞入白

米白麩黑葶生菜猪肉各少許煎至牛盞去渣候湯溫

下藥取下病忌油膩粘滑物婦人有胎者不可服

必効瘕癥取車下李仁微湯退去皮及並仁者與乾麩相

拌搗為餅如麩乾和淡水如常澆麩法作餅木小一如病

人掌為二餅微炙黃至熟空腹食一枚當大利如不利更

食一枚或飲熱粥汁以利為度若至午後利不止即以醋

飲止之利後當虛病未盡者量力一二日更進下服以病

盡為限小兒亦以意量之不得食酪及牛馬肉等無不効

保和丸治食積酒積方見傷食

阿魏丸治肉積及飽食停滯胃壯者宜此脾虛者勿服

山查

蘿蔔子

神麩

麥芽

陳皮

青皮

香附各二兩

阿魏一兩醋

研

右炊餅丸

又方龍薈丸加白鴿糞大能消食積或入保和丸

羅流氣丸治五積六聚癥瘕癖塊留飲

木香

川茴香炒

青皮

廣茂炮

陳皮去

蘿蔔子炒

補骨脂炒

草澄茄

砂仁

神麩炒

麥蘖炒

枳殼炒各

牽牛一兩

檳榔一兩

右為細末麩糊為丸如桐子大食後每服三十丸細嚼

白苳薏仁一枚白湯送下

冊治血塊丸

海粉醋

三稜麩

蓬朮

桃仁

紅花

五靈脂

香附

石城

右為丸白木湯吞下

本主癥積滿腹諸藥不效者取白馬尿服之愈

世治腹中有塊猪腰子一雙切薄片木鑿子肉一兩吳猪

腰片相間縛定外用濕紙包火內煨熟取出去紙播盆內

搗如泥入黃連末和為丸每服廿丸烏梅甘草湯吞下第

二服廿五丸三服三十丸漸加至以痛為度大便利其塊

自消有神効

積有處屬

難病有積有聚何以別之然積者陰氣也聚者陽氣也故

陰沉而伏陽浮而動氣之所積名曰積氣之所聚名曰聚

故積者五臟所生聚者六腑所成也積者陰氣也其始發有常處其痛不離其部上下有所終始左右有所窮處聚者陽氣也其始發無根本上下無所留止其痛無常處故謂之聚故以是別知積聚也五十五難○治聚法見未條
仲病有積有聚有聚氣何謂也師曰積者臟病也終不移聚者腑也發作有時展轉痛移為可治聚氣者脇下痛按之則愈復發為聚氣

肝積面青脈改長定在左脇下

青脈之至也長而左右彈有積氣在心下支脈名曰肝痺得之寒濕與疝同法腰痛足清頭脈眩是也五藏生
難肝之積名曰肥氣在左脇下如覆杯有頭足久不愈令人發欬逆疝瘕連歲不已以季夏戊巳日得之何以言之
肺病傳肝肝當傳脾脾季夏適主王者不受邪肝復欲還肺肺不肯受故留結為積故曰肥氣以季夏戊巳日得之

心積面赤脈數實定在心下

五十六難

肝脈微急為肥氣在脇下若覆杯全文見治虛實法

素赤脈之至也喘而堅診曰有積氣在胃時害於食名曰心痺得之外疾思慮而心虛故邪從之五藏生

有少腹盛上下左右皆有根此為何病可治否岐伯曰病名曰伏梁帝曰伏梁何因而得之岐伯曰裹大膿血居腸胃之外不可治治之每切按之致死帝曰然何以故岐伯曰此下則因陰必下膿血上則迫胃脘生膈俠胃脘肉癧

此久病也難治居膈上為逆膈下為從勿動亟奪腹中論云生當作出林註云

帝曰人有身體骨股胛皆腫環

膈而痛是為何病岐伯曰病名伏梁此風根也其氣溢於

大腸而着於育肉之原在膈下故環膈而痛也不可動之

動之為水瀦瀦之病同上

難心之積名曰伏梁起臍上大如臂上至心下久不愈令人病煩心以秋庚辛日得之何以言之腎病傳心心當傳肺肺秋適主王者不受邪心復欲還腎腎不肯受故留結為積故知伏梁以秋庚辛日得之六難

心脈微緩為伏梁在心下上下行時唾血全文見治虛實法

黃脈之至也大而虛有積氣在腹中有厥氣名曰厥疝

女子同法得之疾使四肢汗出當風是也五藏生成篇五藏當作痞字

難脾之積名曰痞氣在胃脘覆大如盤久不愈令人四肢不收發熱飲食不為肌膚以冬壬癸日得之何以言之

肝病傳脾脾當傳腎腎以冬適主王者不受邪脾復欲還

肝肝不肯受故留結為積故知痞氣以冬壬癸日得之六難

脾脈微大納痞氣腹裏大膿血在腸胃之外全文見治虛實法

脾積面黃脈大而虛定在中脘

肺積面自脈數在右脇

素白脈之至也喘而浮上虛下實驚有積氣在胸中喘而

虛名曰肺痺寒熱得之醉而使內也五藏生成篇○器謂脈躁數也

難肺之積名曰息貫在右脇下覆大如杯久不已令人洒

浙寒熱喘咳發肺癰以春甲乙日得之何以言之心病傳

肺肺當傳肝肝以春適主王者不受邪肺復欲還心心不

肯受故留結為積故知息貫以春甲乙日得之六難

肺脈滑甚為息貫主氣至文見虛實法

黑脈之至也上堅而大有積氣在小腹與陰名曰腎痺

得之沐浴清水而臥是也

難腎之積名曰瘕脈發於少腹上至心下若豚狀或下或

上無時久不已令人喘逆骨瘦少氣以夏丙丁日得之何

以言之脾病傳腎腎當傳心心以夏適主王者不受邪腎

復欲還脾脾不肯受故留結為積故知瘕脈以夏丙丁日

腎積面黑脈寸口大實腹定在少

得之^{五十}六難

腎脈微急為沉厥命脈足不收不得前後^{全文見治}

治五積

肝之積肥氣丸治積在左脇下如覆杯有頭足久不愈令人咳逆瘖瘖連年不已

厚朴兩半

黃連七

柴胡兩

椒^{去汗目閉不用四不}

巴菝霜五

川烏^{炮去皮臍一分}

乾姜五

皂角^{去皮弦子煨一錢半}

白茯苓^{半錢}

廣茂^炮

昆布

人參^{各二錢半}

甘草錢

右除茯苓皂角巴菝外為極細末再另研巴菝霜旋旋入和勻煉蜜丸如桐子大初服二九下日加一九下日加二九漸加至大便微瀉再從兩九加服周而復始積減大半勿服

右後積藥依此法服之春夏秋冬另有加減法在各條

下秋冬加厚朴一兩通前重二兩減黃連一錢半

風癘於一料中加人參茯苓黃蒲各三錢黃連只依春

用七錢雖秋冬不減淡醋湯送下空心服

加減肥氣丸 仲夏合此治同前

柴胡

厚朴^{各半兩}

黃連兩

川椒

甘草^{各五分}

巴霜錢

乾姜兩

肉桂錢

人參兩

川烏錢

右除巴菝末外同為細末旋入巴霜研勻煉蜜丸如桐

子大初服二九下日加一九二日加二九漸加至大便

微瀉再從二九加服淡醋湯下空心服利大便行秋冬

去生姜半錢加厚朴一倍減黃連一半

心之積伏梁丸治起臍上大如臂上至心下久不愈令人

心煩

黃連一兩 人參兩 厚朴去皮製半兩 黃芩去皮三錢
 肉桂錢 乾姜 巴豆霜川烏脂各五
 分 紅苴 茯神去皮各一錢 丹參炮一

葛蒲分

右除巴豆霜外為末另研葛蒲旋以和勻煉蜜為丸如
 桐子大初服二九一日加一九二日加二九漸加至大
 便微瀉再從二九加服淡黃連湯下食遠周而復始即
 減半勿服秋冬加厚朴半兩通前共一兩減黃連半兩
 只用一兩黃芩不用

脾之積痞氣丸氣在胃脘腹大如盤久不愈令人四肢不
 收發黃疸飲食不為肌膚

厚朴製半兩 黃連去鬚八錢 吳茱萸洗一錢 黃芩二錢
 白茯苓方為澤瀉各一錢 澤瀉各一錢 巴豆霜另研四分 乾姜炮一錢

白朮一錢 川烏炮去皮五分 人參一錢 茵陳一錢
 縮砂半錢 桂四分 川椒炒五分

右除巴豆霜外各另研為末旋入外餘藥同為細末煉
 蜜為丸如桐子大初服二九一日加一九二日加二九
 漸加至大便微瀉再從二九加服淡甘草湯下食遠周
 而復始積減木半勿服

加減痞氣丸 孟秋合此
 黃芩酒製三分 厚朴一錢 黃連製酒 半夏各五分

益智分 吳茱萸三分 紅花五分 青皮分
 歸尾分 澤瀉五分 茯苓 神麩

不廣茂 昆布分 橘皮去白三分 熟地分
 人參分 附子分 甘草炙 巴豆霜
 葛根分

右為末蒸餅為丸桐子大初服二九下白加一九二百
加二九漸加至大便微溏再從二九加服淡甘草湯送
下

肺之積息奔丸 治左右脇下覆大如杯久不愈以酒
浙寒熱喘咳嗽發肺癰

厚朴姜製 黃連炒 乾姜炮 桂枝去皮

巴菀霜分 白茯苓錢 川烏炮 川椒去汗

人參錢 桔梗錢 紫苑去苗 青皮分

陳皮錢 京三稜炮 天門冬 白荳蔻路

右除茯苓巴菀霜旋入外餘藥為末煉蜜丸如桐子大
每服二九一日加一九二日加二九加至大便微溏再
從二九加服煎淡生姜湯送下食遠周而復始積減大
半勿服秋冬加厚朴五錢通前一兩三錢黃連減七錢

用六錢

加減息奔丸 仲夏合此其積為病寒熱喘咳氣上厥脈
瀦失精亡血氣滯則短氣血凝泣則寒熱相參氣分寒血
分熱治法宜益元氣洩陰火破氣創其堅也

川烏錢 乾姜錢 人參錢 陳皮錢

黃連三錢 紫苑半錢 桂枝錢 巴菀霜分

厚朴半錢 青皮分 川椒炒 紅花少

茯苓半錢 桔梗錢 白豆蔻錢 京三稜半錢

天門冬錢半

右件為末湯泡蒸餅為丸如桐子大初服二九下白加
一九二日加一九加至大便微溏為度再從二九加服
煎生姜湯送下食前忌酒濕麪辛辣生冷之物
腎之積奔豚丸發於小腹上至心下若豚狀或上下無時

久不已念久喘逆骨瘦少氣及治男子內結七疝女子瘕聚帶下

苦練酒煮

黃連炒五錢

白茯苓

澤瀉錢一

川烏分五

菖蒲錢二

玄胡索錢一

全蝎錢一

附子錢

巴豆霜分四

厚朴姜製七錢

獨活錢

丁香分五

肉桂分三

右除巴豆霜茯苓另為末旋入外餘藥為細末煉蜜丸如梧子大初服二九一日加一九二日加一九漸加至大便微溏再從二九加服淡鹽湯送下食遠周而復始病減大半勿服秋多加厚朴半兩通前用二兩一錢如積勢堅大先服前藥不減於一料中加存性牡蠣子錢五帶勿加如大積太聚消其大半乃止藥過齊則死如積滿腹或半腹先治其所起是何積當先服本

藏積藥諸疾自愈是治其本也餘積皆然如服藥人覺熱加黃連如服藥人氣短加厚朴如服藥人悶亂減桂

濕肝之積伏梁溫白丸加柴胡川芎治之心之積肥氣

溫白丸加菖蒲黃連桃仁治之脾之積瘕氣溫白丸加

吳茱萸乾姜治之肺之積息奔溫白丸加人參紫苑治

之腎之積奔豚溫白丸加丁香茯苓遠志治之方見前

丹賈福六君子十餘歲左脇有塊能飲食

青皮細切

三稜

柴胡三錢

桂枝

川芎

防風各二錢

白朮二錢

木通半錢

海藻錢一

甘草半錢

右分七貼煎取半盞下保和丸十五粒忌一切無肥氣丸治肝之積氣在脇下如覆杯其脇弦而細

青皮炒 當歸各 蒼朮各一
三稜 鐵孕粉各二

右為末醋煮米糊丸藜蘆火每服四十九丸當歸酒下

海治伏梁在心下結聚不散用桃奴三兩為末空心溫酒調下桃奴是桃實着樹不落者正月採樹上乾桃手是也

本治肺喘久不愈為息賁五靈丸

五靈脂半 木香碎 馬兜鈴去壳炒

右為細末棗肉和丸如桐子大每服二十丸生薑湯下

肺之積名曰息奔在右脇下犬如杯令人洒浙寒熱喘嗽

發肺癰東膏丸

葶藶 陳皮 桔梗各等

右下二味為末入葶藶研勻煮肥棗肉和丸如桐子大每服五七丸飲下予嘗患停飲久漬肺經食已必噎喘覺肺系大急服此良驗

定喘急肺積葶藶丸 肉桂 白茯苓

苦葶藶一分當歸 驚甲 川烏頭 乾姜 吳茱萸

大杏仁 茯苓 人參各五 栝榔兩

右為細末煮棗肉和丸如桐子大每服二三十丸姜
東湯下日四服不拘時候
師曰奔豚病從小腹起上衝咽喉發作欲死復還止皆從
驚恐得之故越人曰驚者神上越也

柳上越也神效者隨奔豚氣上衝胸腹痛往來寒熱奔豚湯主之

甘草

芍藥

當歸各二

半夏兩

黃芩兩

生姜兩

芍藥兩

乾葛一兩

甘李根白皮一升

右九味以水二斗煮取五升溫服一升日三夜一服

茯苓桂枝甘草大棗湯治臍下悸欲作奔豚桂枝加桂湯治奔豚氣從小腹上至心已上二方

無散聚湯治有塊痛無常處展轉動移今方

半夏

枳榔

當歸各一

陳皮

杏仁去皮尖

桂心各二

茯苓

甘草多

附子炮去皮臍

川芎

枳殼炒

吳茱萸湯

厚朴姜剉各一兩

右剉散每四錢水一盞半煎七分去渣食前服

運氣 運氣積塊皆從濕土經云土太過曰敦阜敦阜之化其動

滯積并積是也

雜方

琥珀膏貼塊方見瘰癧 又貼塊三聖膏用右灰十兩細

篩過炒紅急用好醋熬成膏入太黃末二兩官桂末半兩

攪勻以瓦器封貯紙攤貼患處火烘熱貼太黃須錦紋者

世又貼塊

白鴿糞兩

白芷三

硫黃

白礬

木鱉子肉各一兩

右為末用麩水調和傳患處

冊貼積聚塊

大黃

朴硝各一兩

各為末大蒜搗膏和勻貼之

外集驗尉藏吳茱萸三升碎之以酒和煮熱布裹罽釋上

診

冷更炒更番用之癥移走逐尉之候消乃止
靈黃帝曰人之善病腸中積聚者何以候之少俞答曰皮
膚薄而不澤肉不堅而淖澤如此腸胃惡則邪氣留止
積聚乃傷脾胃之間寒溫不次邪氣相至積積留其大聚
乃起五癥

脈胃中有癖食冷物者痛不能食食熱則能推而外之內
而不外心脈積也全文見諸脈
診病雜文

世病人有沉滯久積聚可切脈而知之耶然診病在右脇
有積氣得肺脈結脈結甚則積甚結微則氣微診不得肺
脈而右脇有積氣者何也然肺脈雖不見右手脈當沉伏
則令瀉疾同法耶將異也然結者脈來去時一止無常數
名曰結也伏者脈行筋下也浮者脈在肉上行也左右表
裏法皆如此假令脈結伏者內無積聚脈浮結者外無積

疾有積聚脈不結伏有痼疾脈不浮結為脈不應病病不
應脈是為死病也附入

仲諸積大法脈來細而附骨者乃積也寸口積在胸中微
出寸口積在喉中關下積在臍傍上關上積在心下微下
關積在少腹尺中積在氣衝脈出在左積在左脈出在右
積在右脈兩出積在中央各以其部處之

太陰瀼則病積心腹時滿厥陰瀼則病少腹積氣少陰
瀼則病積澁血陽明瀼則病積時善驚太陽瀼則病積時
善顛疾少陽瀼則病積時筋急目痛四時刺
迎從論寸口脈沉
而橫曰脇下有積腹中有積積痛子人象論
之狀脈厥如豆不升韋
也

脈左手脈橫微在右手脈橫微在右脈頭大者在上頭
小者在下脈遲而滑中寒有癥結偏得洪實而滑為積

弦緊亦為積為寒痺為痲痛內有積不見脈難治見一脈
相應為易治諸不相應為不治脈弦腹中急痛腰背痛
相引腹中有寒亦痲脈弦緊而微細者痲也夫寒痺痲痲
積聚之脈皆弦緊若在寸上即寸弦緊在胃腕即關弦緊
在臍下即尺弦緊脈弦小者寒痺
心肺有積痺其脈皆弦數經云赤脈之至也喘而堅診曰
有積氣在中名曰心痺自脈之至也喘而浮上虛下實有
積氣在胸中喘而虛名曰肺痺是也
肝有積其脈弦長面青經云青脈之至也長而左右彈有
積氣在心下支脈名曰肝痺是也
脾胃有積痺其脈皆大經云黃脈之至也大而虛有積氣
在腹中惡脈之至也上堅而大有積氣在小腹與陰名曰
腎痺王註云上調寸口是也全文見上

三部之積皆生

脈診人心腹積聚其脈堅強急者生虛弱者死脈弦而
伏者腹中有瘕不可轉也必死不治
黃帝問曰夫百病之始生也皆生於風雨寒暑清濕毒
怒喜怒不節則傷臟風雨則傷上清濕則傷下三部之氣
所傷異類愿聞其會岐伯曰三部之氣各不同或起於陰
或起於陽請言其方喜怒不節則傷臟臟傷則病起於陰
也清濕襲虛則病起於下風雨襲虛則病起於上是謂三
部至於其淫泆不可勝數病始生是故虛邪之中入
也始於皮膚皮膚淺則腠理開開則邪從毛髮入入則抵
深深則毛髮立毛髮立則泠然故皮膚痛留而不去則傳
舍於絡脈在絡之時痛於肌肉其痛之時息木經乃代留
而不去傳舍於經在經之時泠然骨驚留而不去傳舍於
輸在輸之時六經不通四肢則肢節痛腰脊乃強留而不

夫傳舍於伏衝之脈在伏衝之時躰重身痛留而不去傳舍於腸胃在腸胃之時貫鬲腹脹多寒則腸鳴飧洩食不化多熱則溇出糜留而不去傳舍於腸胃之外募原之間已上數端皆邪氣蘊留而不解去以次相傳未嘗留者無肯定所若留者而有定所則不能傳矣所謂留者者當如下文法云

風雨虛之積

留者於脈積留而不去息而成積或者孫脈或者絡脈或者經脈或者着輸脈或者着於伏衝之脈或者着於脊筋或者着於腸胃之募原上連於緩筋邪氣滯洪不可勝論其着孫絡之脈而成積者其積往來上下臂手孫絡之居也浮而緩不能拘積而止之故往來移行腸胃之間水溼滲注灌濯者有音有寒則膜膈滿雷引故時切痛其着於陽明之經則挾膈而居飽食則益大飢則益小其着於緩筋

清濕虛之積

也似陽明之積飽食則痛飢則安其着於腸胃之募原也痛而外連於緩筋飽食則安飢則痛其着於伏衝之脈者揣之應手而動發手則熱氣下於兩股如湯沃之狀其着於脊筋在腸後者飢則積見飽則積不見按之不_得其着於輸之脈者閉塞不通津液不下孔竅乾壅此邪氣之在外入內從上下也此謂風雨襲陰之虛病起於上而積生也黃帝曰積之始生原其已成奈何岐伯曰積之始生得寒乃生厥乃成積也黃帝曰其成積奈何岐伯曰厥氣生足_挽足挽生脛寒脛寒則血脈凝滯血脈凝滯則寒氣上入於腸胃入於腸胃則膜脹膜脹則腸外之汁沫追聚不得散以成積卒然多食飲則腸滿起居不節用力過度則絡脈傷陽絡傷則血外溢血外溢則衄血陰絡傷則血內溢血內溢則後血腸胃之絡傷則血溢於腸外腸外有寒

汁沫與血相搏則并合凝聚不得散而積成矣卒然外中於寒若內傷於憂怒則氣上逆氣上逆則六輸不通溫氣不行凝血蘊裏而不散津液滲滲着而不去而積皆成矣

喜怒傷藏之積

針灸

黃帝曰其生於陰者奈何岐伯曰憂思傷心重寒傷肺忿怒傷肝醉以入房汗出當風傷脾用力過度若入房汗出浴則傷腎此謂喜怒傷藏病起於陰也風雨寒陰之虛則病起於上而生積清溫寒陰之虛則病起於下皆受病其積左成矣此內外三部之所生病者也黃帝曰善治之奈何岐伯對曰察其所痛以知其應有餘不足當補則補虛瀉則瀉毋逆天時是謂至治

皆治在燔針劫刺以知為數以痛為輸經文也

癥瘕積塊先於塊上針之甚者又於塊首一針塊尾一針立應針訖灸之又三里灸之

氣塊 照海 內關 通谷 又積塊 章門 中腕灸皆三報之

甲傷憂煩思氣積中腕主之 腹中積上下行懸樞主之

食脾俞主之 腹中積聚時切痛商一作曲主之 胞中

有木痺癢積與陰陽相引而痛苦涌泄上下出補尺澤太谿手陽明寸口皆補之

插伏梁氣狀如覆杯 上腕 三里 息奔脇下氣上衝胸中有熱

期門主之

振奔豚氣 水道二十灸五

桑奔豚搶心不得息并疝十世瀉之

又法奔豚氣攻心脇痛滿淹淹欲絕急先用湯洗手足數

數易之却取下穴氣海 期門 關元 各七世

玉疝氣衝心欲死關門在 五世旁 二十刺入

甲臍豚腹腫音閉主之奔豚上下期門主之

聚勞宮主之奔豚知上以痛引莖痛來主之

腹臍堅痛引陰中不得小便兩丸騫陰交主之臍豚氣

腹臍痛舌強不能言莖腫先引腰後引小腹腰寬小腹堅

痛下引陰中不得小便兩丸騫石門主之臍豚寒氣入

小腹時欲嘔傷中溺血小便數背脊痛引陰腹中窘急欲

湊後泄不止關光主之臍豚上搶心甚則不得息忽忽

少氣口厥心煩痛飢不能食善寒中腹脹引臍而痛小腹

與脊相按暴痛時窘之後中極主之

婦人血積

血証 汗婦人有塊多是血塊

輕劑 當歸丸治婦人月經不調血積証

當歸

廣茂

右為細末酒糊為丸桐子大溫水下

本牛膝根淨洗切焙乾搗下酒煎溫服治婦人血塊立效

右輕劑

重劑 杜尚書媳婦馬氏年三十土腹中血塊作疼經五六年形

已骨立衆皆曰不可為奈其未死何家甚貧而大小懸之

一日召杜至告杜曰但以濟物為懷則可業已請召明公

非所言也遂以少物昂贈杜杜不受曰但服某藥必獲安

京三稜各半神麴

赤芍 川芎

熟地 百草霜各一錢半

無以是為疑遂示方用沒藥牛膝乾漆當歸各半兩礪砂木香水醃炒紅娘子炒紅花牡丹皮硃砂各一分海馬一箇斑猫去翅足炒十四箇為末酒醋各半升熬為膏每日天明用一皂子大酒醋化下凡病退木十日漸安果如其言

右重劑

熱劑 垣加減四物湯治婦人血積

- 當歸
- 川芎
- 芍藥
- 熟地
- 廣茂
- 桂枝
- 京三稜
- 乾漆炒烟分

右為粗末每服二錢水二盞煎法如常食前

大黑神丸

- 神麩
- 茴香各四
- 木香
- 川椒炒香
- 丁香各半
- 檳榔四箇
- 乾漆六兩半生半熟用姜湯煮半日香

右除椒漆外五物皆半生半炒為細末用前生熟漆和丸如彈子大又用茴香十二兩鋪陰地陰乾候外乾并茴香收器中至乾去茴香用治腎氣膀胱痿痺及痲墜五隔血崩產後諸血漏下赤白並一丸分四服死胎下丸皆綿灰酒下若難產炒葵子四十九粒碎酒煎下諸疾不過三服痰氣十服膈氣癥瘕五服血瘕三九一婦有塊如杯每發痛不可忍諸藥莫愈投此丸盡三服杯氣盡消終身不復作矣

雲沒藥散治一切血氣腫脹撮痛及產後惡露不行兒枕痛

- 血竭
- 沒藥並細研
- 桂心
- 當歸
- 蒲黃
- 紅花
- 木香
- 玄胡索
- 乾漆各等分
- 赤芍各等分

右為極細末每服三錢熱酒調下食前若血塊衝心痛甚危者以太順散三錢酒調服立止
牡丹散治婦人久虛羸瘦血塊走症心腹疼痛

牡丹皮 桂心 當歸 玄胡索各一

莪朮 牛膝 赤芍 京三稜 兩

右為粗末每服三錢水酒各半盞

羅木香礪砂丸治婦人瘕癖積聚血塊刺痛腰背虛寒宿食不消久不瘥者

丁香 礪砂 木香 官桂

附子 炮 乾漆 炒烟 細墨 大黃 炒

乳香 廣茂 青皮 京三稜

巴豆霜 減 沒藥 研 猪牙皂角 乾姜 炮各

右除礪砂乳香沒藥外同為細末以好醋一升化開礪

寒劑

砂去查脚入銀器中慢火熬次下巴豆霜大黃末熬成膏將前藥末與膏為丸如麻子大每服二十五丸食後溫水送下加至太便利為度

大桃仁煎治婦人血積經候不通出干金方

桃仁 去皮尖 炒黃 大黃 芫虫 朴硝

右四味末之以醇醋二升半銀石器中慢火煎取一升五合下桃仁大黃芫虫等不住手攪干下次下朴硝更不住手攪良反出之丸如桐子大前一且不用吃晚飯五更初用溫酒吞十五丸日午取下如黑豈汁雞肝蝦蟆衣末下再作是鮮血即止即以調氣血藥補之

腸覃生於腸外月事時下石痕生於胞中月事不以時下二病皆似蠱脹腫見

脈診婦人疝瘕積聚脈弦急者生虛弱小者死
甲婦人子藏中有惡血內逆滿痛石闕主之

胎前產後積

素黃帝問曰婦人重身毒之何如岐伯曰有故無殞亦無
殞也帝曰愿聞其故何謂也岐伯曰太積太聚其可犯也
衰其大半而止過者死至真要論
丹血塊如盤有孕難服峻劑此方主之

香附醋炙 桃仁去皮尖 海粉醋炙 白朮一兩
麩糊九服

南山婦人年二十八於九月廿二日月經行此前過後十
日得草藥以敗益海為下胎之謀有數滴血下因此腹
在小腹下有塊如碗大不可按湯熨則痛稍定大小便
痛小便澀大便畧下少赤積垢食不進口累渴發熱此胃

氣為草藥所敗加以受傷之血妄行而不得洩所以為病

砂仁分三 甘草分三 滑石一錢 川芎

黃芩各三 牛膝二錢 桃仁七 水酒煎服

保芍藥湯治產後諸積不可攻宜養陰去熱其病自安

芍藥一斤 黃芩 茯苓各六

右散每半兩水煎日三服

丹產後消血塊

滑石二錢 沒藥二錢 血竭二錢

右為細末醋糊丸如慈露木下以五靈脂為細末麩糊
丸白朮湯陳皮湯送下

又消血塊

香附童便 桃仁去尖 為末醋糊丸

息積

氣證

素帝曰病脇下滿氣逆二三歲不巳是為何病岐伯曰病名曰息積此不妨於食不可刺灸積為導引服藥此不能獨治也音病論云王註云氣逆息難故用息奔法治之亦可

無磨積丸

胡椒一百五 木香二錢

全蝎十枚

右為末粟米丸藁苳大每十五丸陳皮湯下

化氣湯治息積

砂仁

桂心

木香各二錢

甘草炙

茴香炒

丁香皮

青皮炒

陳皮

乾姜

蓬木炮各兩

胡椒

沉香各一

右為末每服二錢姜蘇湯調下婦人醋湯服
導引陳無擇云導引法隨意行之皆同愚謂或按摩滿處或手足相屈伸或八段錦或六字氣之類以氣通為效

四候

面腫頰腮痛

面熱面寒

面青

面塵 面赤 面黃

面白 面黑

頰車病

黃帝曰首面與首形也屬骨連筋同血合於氣耳天寒則裂地凌求其卒寒或手足懈墮然而其面不裂何也岐伯答曰十二經脈三百六十五絡其血氣皆上於面而走空竅其精陽氣上走於目而為睛其別氣走於耳而為聽其宗氣上出於鼻而為臭其濁氣出於胃走唇舌而為味其氣之津液皆上薰於面而皮又厚其肉堅故天熱甚寒不能勝之也邪氣臟腑病形篇

面腫頰腮痛

表熱

丹朱奶兩腮熱腫膈壅之病也

乾葛

桔梗半錢

升麻錢一

蘇葉一錢

甘草炙七分

薄荷錢一

姜片一

水煎服

垣咽痛頰腫脈洪大面赤者羌活勝濕湯加黃芩桔梗甘草各半錢治之如耳鳴目黃頰頰腫頸有膿肘臂外後廉痛面赤脈洪大者以羌活防風甘草藁朮通其經血加黃連黃芩消其腫以人參黃芪益其元氣而瀉其火邪

丹兩腮腫細辛草烏等分為末入蚌粉以豬脂調傳腫處口含白梅置腮邊良久腫退出涎患消矣消時腫必先向下

世治疔腮

竹葉 車前草 栝子仁

杵碎執傳患處

腮腫用赤小荳末傳之立效

疔疔腮雞子青調赤小荳末及喉下諸般腫痛用蝸牛飛麩研勻貼腫處

風 面腫曰風 平人氣象論

針灸 主卒中風頭面腫杵杏仁如膏傳之

針灸面頰腫痛有三法

其一取手陽明經云頰痛刺足陽明曲周動脈見血立已

不已按人迎于經立已又云厥胸滿面腫唇燥然暴言

難甚則不能言取足陽明又云厥頭痛面若腫起而煩心

取之足陽明太陰為煩心也又云頰痛刺手陽明與頰之

盛脈出血是也

其二取手太陽經云手太陽之脈是動則頰腫不可以顧

所生病者目黃頰痛視盛虛熱寒陷下取之也

其三取手足太陽經云二焦手少陽之脈所生病者頰痛

又云膽足少陽之脈所生病者頰腫視盛虛熱寒陷下取

之也又云肝氣逆則頭痛耳聾頰痛取血者蓋取足少陽

之血也

東面赤頰熱惡風寒頰痛 橫竹 玉枕壯灸三 巨窳五

集頰腫生瘡名枯曹風 合谷 列缺 地倉 頰庫不

再取 人中 承漿 玉液 金津 三里 頰庫不

甲面腫目癢腫刺陷谷出血立止 頰腫唇癢顛邪主之

頰腫痛天窓主之 頰腫口急頰重痛不可以嚙頰車

主之 面寒面熱 面寒因胃虛 面熱因鬱熱

丹面熱火氣因鬱熱 面寒因胃虛 面熱者足陽明病

和氣 膿腫 面熱者足陽明病 病形篇 飲食不節則胃病胃病則氣短精神少而生大熱有時

而火上行獨燎其面針經云面熱者足陽明病

羅面熱 楊郎中之內五十一歲身體肥盛已酉春患頭

目昏悶面赤熱多服清上藥不効請予治之診其脈洪大

而有力內經云面熱者足陽明病脈經云陽明經氣盛有

餘則身已前皆熱况其人素膏梁積熱於胃陽明經多血

多氣木實則風熱上行諸陽皆會於頭目故面熱之病伴

矣先以調胃承氣湯七錢加黃連三錢犀角一錢疎下三

兩行微其本熱次以升麻加黃連湯去經絡中風熱上行

如此則標本之邪俱退矣

升麻加黃連湯

升麻 葛根各一 白芷七 甘草灸五

白芍五 酒黃連四 生犀末三 川芎三

荆芥穗三 薄荷三

右剉如麻豈大用冰半盞先浸川芎荆芥薄荷外都作

百歲為
胃家

一服水二盞煎至二盞入先浸三味同煎至七分去渣
食後溫服數服愈忌酒濕麪五辛之物
咳逆停息不得臥面熱如醉此為胃熱上衝薰其面茯苓
桂枝五味甘草湯加大黃以利之前文方見

羅面寒○真定維摩院尼長老六十歲身體瘦弱已西
十月間病頭而不耐寒氣弱不敢當風行諸治不效予診
之其脈皆弦細而微且其人年高素食茶菓而已陽明之
經本虛脈經云氣不足則身已前皆寒慄又加看誦損氣
由此胃氣虛經絡之氣亦虛不能上榮頭面故惡風寒先
以附子理中丸溫其中氣次以升麻湯加附子主之

升麻 葛根 白芷 黃芪各七
甘草各五 黑附子七分 人參 草薺各五
益智仁三分

渠

右判如麻豈大都作一服水三盞連鬚白葱頭二盞同
煎一盞去渣溫服食前數服良愈

升麻湯辨 或曰升麻加黃連湯治面熱升麻加附子湯
治面寒有何依據答曰出自仲景雲岐子註傷寒論中辨
葛根湯云尺寸脈俱長者陽明受病也當一二日發以其
脈夾鼻絡於目故身熱目疼鼻乾不得臥此陽明經受病
也始於鼻交頰中從頤至足行身之前為表之裏陽明經
標熱本實從標脈浮而長從本脈沉而實陽明為病蒸蒸
而熱不惡寒身熱為標病陽明本實者胃中燥鼻乾目疼
為本病陽明為肌肉之本禁不可發汗在本者不禁平發
之則變黃症太陽主表榮衛是也榮衛之下肌肉屬陽明
二陽併病葛根湯主之衛者桂枝榮者麻黃榮衛之中桂
枝麻黃各半湯主之榮衛之下肌肉之分者葛根湯主之

又名解肌湯故陽明為肌肉之本非專於發汗止汗之治
桂枝麻黃兩方互併為一方加葛根者便作葛根湯故榮
衛肌肉之次也桂枝芍藥生薑甘草大棗止汗有麻黃桂
枝甘草發汗葛根味薄獨加一味者非發汗止汗也從葛
根以解肌故名葛根湯錢仲易制升麻湯治傷寒瘟疫風
熱壯熱頭痛肢體痛瘡疹已發未發用葛根為君升麻為
佐甘草芍藥安其中氣朱奉議作活人書將升麻列作陽
明經解藥予診楊氏婦陽明經標本俱實先攻其裏後瀉
經絡中風熱故用升麻湯加黃連以寒治熱也尼長老陽
明經標本俱虛先實其裏次行經絡故用升麻湯加附子
以熱治寒也仲景乃羣方之祖信哉

面青 面塵

庚 難 肝外證面青善怒善怒十六

運氣面塵有一

一曰燥金制肝經云陽明司天燥淫所勝民病隘乾面塵
又云陽明在泉燥淫所勝病隘乾面塵又云金鬱之發隘
乾面塵宜治以濕劑是也

二曰火經云少陽之復厥氣上行面如浮塵目乃翳疾治
以寒劑是也

針灸

針灸面塵皆取肝膽二經經云肝足厥陰之脈是動病甚
則隘乾面塵脫色又云膽足少陽之脈是動病甚則面微
有塵皆視盛虛熱寒隨下取之也

面赤

心火

難 心外證面赤口乾善笑十六

垣 面赤為邪氣怫鬱在經宜表不宜下
仲景云下利脈沉而遲其人面赤身有微熱下利清穀者

針灸

以鬱汗出而解此面赤亦表而解也
運氣面赤皆屬寒經云太陽司天寒淫所勝民病面赤目
黃治以熱劑是也
針灸面赤背取心主經云心主手厥陰之脈是動則病面
赤目黃視盛虛熱寒隨下取之也

脾土

難脾外證面黃善噫善思善味對六
素陽明經絡者口自動作善驚妄言色黃診要經

面白

肺金
虛寒

難肺外證面白善噫悲愁不樂欲哭對十六
血脫者色白夭然不澤其脈空虛全文見治
虛實法
恒巴戟丸治肺病面白不悅則為脫氣脫血脫津脫液脫
精脫神方見
脫者寒也或面白善噫或面色惡皆寒

腎水

也以羌活防風甘草藁本四味瀉足太陽少加附子以通
其脈面色惡悲者更加桂附
大陽絡者其脈反折瘰癧其色白絕汗出
少陽絡者其脈首節皆縱目暴繩系其色青白已上全文
見診生死
法

面黑若身黃面黑
於黑道求之

難腎外證面黑善恐對十六
羅陰出乘陽 丁婦人年幾三十憂思不已飲食失節脾
胃有傷面色黧黑不澤環唇尤甚心懸如飢狀又不飲食
氣短而促大抵心肺在上行榮衛而光澤於外宜顯而藏
腎肝在下養筋骨而強於內當隱而不見脾胃在中主傳
化精微以灌四旁沖和而不息其氣一傷則四臟失所憂
思不已氣結而不行飲食失節氣耗而不足使陰氣上溢

於陽中故黑色見於面又經云脾氣通於口其華在唇今水反來侮土故黑色見於唇此陰陽相反病之逆也上古天真論云陽明脈衰於上面始焦故知陽明之氣不足非助陽明生發之劑無以復其色故以冲和順氣湯主之

升麻錢一 葛根半錢 甘草四分 芍藥二錢
白芷錢一 黃芪八分 防風錢一 人參二錢
蒼朮二錢

內經曰上氣不足推而揚之以升麻苦辛葛根甘溫自地升天通行陽明之氣為君人之氣以天地之風名之氣留而不行者以辛散之防風辛溫白芷甘辛溫以散滯氣為臣蒼朮苦辛蠲除陽明經之寒白芍藥之溫酸安大陽經之怯弱芍藥云補血去弱人參羊肉之屬人參黃芪甘草甘溫補益正氣為臣至貴要太論云辛甘發散為陽生美

辛熱大棗甘溫和榮衛開腠理致津液以復其陽氣故以為使

右件咬咀都作一服水二盞姜三片鹽二枚同煎至一盞去渣溫服早飯後午飯前取陽升之時使入之陽氣易達故也數服而愈

孫焚樓有店家劉三一日滿面皆黑色有相者斷云不過月餘死既過月且安孫入店與客飲酒遂疑孫述說其病狀孫特與診之曰非病也乃為臭氣所薰穢氣薰於面部不散故有此色問劉曰汝一月前聞甚一陣非常臭氣不能避耶劉曰一日登溷其廁臭氣不可聞慙恚良久下廁明日遂有此疾孫曰去至臭無過至香我家有南人將至雋香可用沉檀二香各二兩碎擊焚於爐中安帳內以薰緇被蓋定勿令香氣散可端坐香邊與自靜坐候香氣散

方可出帳明由引鑑照之劉依其言面色漸變旬白如故
腎臭腐屬水脾臭昏屬土今夫則臭者腐臭也故脾土勝腎水面色入腎而面黑沉香者香臭也故薰之則脾土勝腎水面色還也

針灸

針灸面黑有一法

其一取胃經云胃是陽明之脈是動則病酒酒振寒顏黑
其二取腎經云足少陰之脈是動則病飢不欲食面如漆
柴視盛虛熱寒陷下取之也

診

少陰終者面黑齒長而垢腹脹閉全文見診生死下同
太陰終者腹脹閉不得息善噫嘔逆則面赤不逆則面黑
皮毛黑

頰車病謂頰車關而不合

雜方

平江陳氏因驚懼後常用手指甲指柱兩頰連兩頰破
損心中懊懣不安脈數而實諸藥不愈用活幼口養牛黃

清心涼膈丸數服如失

無凡伸欠頰車蹉但開不能合以酒飲之令大醉睡中吹
鼻角末搐其鼻噴透即自正

狂顛

狂謂妄言妄走也顛謂僵仆不省也各自一症今以狂入
脾部顛入肝部然經有言狂顛疾者有言狂互引顛者又
言顛疾為狂者此則又皆狂顛兼病今病有妄言妄走項
時前後僵仆之類有僵仆後妄見鬼神白方它之類是
以顛狂兼病者也

謬

難顛狂之病何以別之然狂之始發少臥而不飢自高賢
也自辨智也自貴倨也妄笑好歌樂妄行不休是也顛疾
始發意不樂直視僵仆其脈三部陰陽俱盛是也重陽者
狂重陰者顛五十九難○王註云狂病之後不欲眠臥不飲食自言賢智尊貴歌笑行走不休今人

以為癲疾謬矣

素二陰二陽皆交至病在腎胃曾妄行顛疾為狂陰陽類論○王

靈邪入於陽則為狂轉則為顛疾九針通評虛太陽所謂狂顛疾

者陽盡在上而陰氣從下下虛上實故狂顛疾也脈解

針灸狂顛有三法其一取胃經云足陽明之別名曰豐隆去踝八寸別走太

陰其病實則狂顛取之所別是也其二取膀胱經云膀胱足太陽之脈所生病者狂顛視盛

虛熱寒陷下取之也
甲狂顛疾吐舌太乙及滑肉期門主之 狂狂溫溜主之
狂顛疾陽谷及築賓通谷主之 狂互引顛疾數發後

絡主之 狂顛陰谷主之

欲獨閉戶牖而處陰不勝其陽則腦流瀉疾并乃狂全治法

血并於陽氣并於陰故為驚狂全文見刺虛法

帝曰有病怒狂者此病安生岐伯曰生於陽也帝曰陽何以使人狂岐伯曰陽氣者因暴抗而難決故善怒也病

名曰陽厥帝曰何以知之岐伯曰陽明者常動巨陽少陽不動不動而動大疾此其候也帝曰治之奈何岐伯曰奪

其食即已夫食入於陰長氣於陽故奪其食即已使之服以生鐵落為飲夫生鐵落者下氣疾也病能

無號發丹治狂方見顛癲門鎮心丹治驚悸自汗心煩短氣喜怒悲惡恐不自知忘魂

下虛上實 針灸

七言者 從高抑

失魄狀若神靈所憑及男子遺泄女子帶下

辰砂研 白礬服汁盡

右為末水丸如雞頭大每服十九煎人參湯下食後服

在上者因而越

浙江一婦人顛狂不止醫以瓜蒂半兩為末每一錢重井花水調滿一盞投之隨得大吐吐後熟睡勿令驚動自此無恙

此無恙

竹來甦膏治遠年近自風癩心病風狂中風涎沫潮閉牙開不開及破傷風並皆治之

皂角一兩肥大無蟲

右將皂角切碎用漿水一大碗春秋浸三日冬七日

夏二十日探開取淨浸透皂角汁入銀器或砂鍋內以

文武火熬用新柳條槐枝攪熬似膏藥取出攤於夾布

上陰乾收頓如遇病人取手掌一大片用溫漿化在盞

內用竹管兒盛藥水將病人扶坐定頭微擡起將藥吹入左右鼻孔內良久扶起涎出為驗欲要涎止將溫盞湯令病人服一古便止忌雞魚生硬濕麵等物

子和一男子落馬發狂起則目瞪狂言不識親疎棄衣而走罵言涌出氣力加倍三五人不能執縛燒符作醮問鬼

跳巫殊不知顧服丹砂牛黃犀珠腦麝資財散去室中蕭

然不遠二百里而求戴人一往戴人以車軸埋之地車行

高二丈許上安中等車輪其輞上鑿一穴如仰盆之狀縛

病人在其上使之伏臥以軟襖襯之又令一人於下坐機

一枚以棒攪之轉千百遭病人吐出青黃涎沫二十斗許

繞車輪數匝病人曰我不能堪可解我乃從其言而解之

索涼水與之冰水飲數升狂乃罷矣

素帝曰陽明病甚則棄衣而走登高而歌或至不食數日

陽明實則脈伏宜下之

踰垣上屋所上之處皆非其素所能也病反能者何也岐伯曰四肢者諸陽之本也陽盛則四肢實則能登高也帝曰其棄衣而走者何也岐伯曰熱甚於身故棄衣欲走也帝曰其妄言罵詈不避親疎而歌者何也岐伯曰陽盛則使人妄言罵詈不避親疎而不欲食不欲食故妄走也陽明脈解篇○陽明所謂病至則欲乘高而歌棄衣而走者陰陽復爭外并於陽故使之棄衣而走也海許氏病陽厥狂怒罵詈親疎或哭或歌六脈舉按無力身表如冰石發即呼聲高潔志云奪食則已因不與之食予用大承氣湯下之得臟腑渣穢數升狂稍瘳數日復發復下如此五七次行大便數斗疾瘳身溫脈生良愈此易老奪食之法也

保當歸承氣湯

當歸

大黃各一

甘草半

芒硝七

右剉如麻苴大每三兩水一大碗姜五片廬十枚煎至一半去渣熱溫服若陽在奔走罵詈不知親疎此陽有餘陰不足大黃芒硝去胃中實熱當歸補血益陰甘草緩中加姜枣者胃屬土此引入胃中也經所謂微者逆之甚者從之此之謂也以大利為度微緩以瓜蒂散入防風末藜蘆末吐之其病立安後用調心散洗心散涼膈散解毒湯等調之

子和一狂人陰不勝其陽則脈流薄疾陽并乃狂難經曰陽極則狂陰極則顛陽為腑陰為臟非陽熱而陰寒也熱并於陽則狂狂則生寒并於陰則顛顛則死內經曰足陽明實則狂故登高而歌棄衣而走無所不為是熱之極也以調胃承氣大作湯下數十行三五日復上涌一二升下五日又復下之凡五六十日下百餘行吐亦七八度如吐

鬱者矣

時暖室置火以助其汗數汗方平
丁叟年六十值徭役煩擾而暴發狂口鼻覺如虫行兩手
爬搔數年不巳戴人診其兩手脈皆洪大如繩斷之曰肝
主謀膽主決徭役迫遽財不能支則肝屢謀而膽屢不能
決屈無所伸怒無所洩心火礮礮乘陽明金然胃本屬土
而肝屬木膽屬相火火隨木氣而入胃故暴發狂乃命置
燠室中涌而汗出如此三次內經曰木鬱則達之火鬱則
發之正謂此也又以調胃承氣湯半斤用水五升前半夜
分作三服天下一二十行血水與瘀血相雜而下數升來日
乃康以通聖散調其後

虛者補

相國寺僧充忽患顛疾經半年遍服名醫藥皆不効僧
被兄潘氏家富召孫療之孫曰今夜睡着明後日便愈也
潘曰且告投藥報恩不忘孫曰有醜物但與師吃待渴即

來道至夜僧果渴孫至遂求溫酒一角調藥一服與之有
頃再索酒與之半角其僧遂睡兩晝夜乃覺人事如故潘
謝孫問其治法曰衆人能安神矣而不能使神昏得睡此
乃靈死方中硃砂酸棗仁乳香散也人不能用耳

辰砂

一兩須光明

酸棗仁

半兩

乳香

半兩光

右量所患人飲酒幾何先令恣飲沉醉但勿令吐至靜
室中以前藥都作一服溫酒調下作一盞調之令頓飲
如飲酒素少人但以隨量取醉服藥訖便安置床枕令
臥病淺者半日至二日病深者三兩日令家人潛伺之
鼻息勻調但勿喚覺亦不可驚觸使覺待其自醒即神
魂定矣萬一驚悟不可復治正肅泉公少時心病服此

一劑五日方寤遂瘥

一醉膏治心恙無灰酒二碗香油四兩和勻用楊柳枝二十條逐條攪二十百下候香油與酒相入成膏煎至八分灌之熟睡則醒或吐下即安矣
狂之為病少臥少臥則衛獨行陽不行陰故陽盛陰虛命昏其神得睡則衛得入於陰而陰得衛填不虛陽無衛助不盛故陰陽均平而愈矣

本寧志膏

人參 酸棗仁 酪 辰砂 五 乳香 分
右為細末煉蜜和丸如彈子大每服一丸薄荷湯送下予族弟緣染火失心制此方與之服二十粒愈親由多傳法服之皆驗

狂邪顛癩不欲眠臥自賢自智妄行不休此方能安五

臟下心氣用白雄雞一隻煮熟五味調和作羹一食之經云悲哀動中則傷魂傷則狂妄不精不精則不正此悲哀傷魂而狂當用溫藥補魂之陽仲景方以地黃湯本事驚氣丸之類即是也 經云喜樂無極則傷魄魄傷則狂狂者意不存入此喜樂傷魄而狂當用涼藥補魄之陰辰砂鬱金白礬之類是也

世治失心

鬱金

七兩須四真

明礬

右為細末薄荷為丸如桐子大每服五六丸湯水任下昔有婦人顛狂可畏數年不愈後遇至人授此方初服覺心胸中有物脫去神氣灑然再服頓甦至人云此病用憂鬱得之痰涎包絡心竅此藥能去鬱痰

風 仲防已地黃湯治病如狂狀妄行獨語不休無寒熱其脈

淨

防已錢一 桂枝 防風錢三 甘草錢二

右四味以酒一盃漬一宿絞取汁生地黄二斤吹咀蒸之如斗米飯久以銅器盛其汁更絞地黄汁和分再服

本治驚癇積氣瘵風邪發則牙關緊急涎潮昏塞醒則精神若癲驚氣丸

附子 木香 白姜蚕 白花蛇

橘紅 天麻 麻黃兩半 乾葛二分

紫蘇葉兩 朱砂許為衣 天南星洗切

浸一夕

右為末加腦麝少許同研極勻煉蜜杵丸如龍眼大每服一丸金銀薄荷湯化下溫酒亦得此予家秘方也戊申年軍中一人犯法褫衣將受刑而得釋精神頓失如

痴予與一丸服訖而寐及覺病已失矣提轄張載揚其妻因避寇失心已數年予授此方不終劑而愈又黃荜奇妻狂厥者踰十年諸醫不驗予授此方去附子加鐵粉亦不終劑而愈鐵粉非但化痰鎮心至如摧抑邪特異若多悲怒肝邪大盛鐵粉能制伏之素問云陽厥狂怒治以鐵落飲金制木之意也此亦前人未嘗論及無治中風或歌或哭或笑語無所不及小續命湯用麻黃三兩人參桂枝白朮各二兩無防風附子生薑有當歸二兩

風熱 治顛狂發作披頭大叫不避水火苦參為末蜜丸梧子

血熱 保牛黃骨治熱入血室發狂不認人 牛黃二錢 硃砂 鬱金 牡丹皮各三錢

甘草

腦子錢

右為末煉蜜丸如棗子大新汲水化下

寒

肝移寒於心狂膈中全文見診

運

運氣狂皆屬火經云諸燥狂越皆屬於火又云火太過日

赫曦赫曦之紀其病笑譫狂妄又云歲火太過上臨少陰

少陽病譫妄狂越治以諸寒是也

雜方

子和項開合之患病飢不欲食常好呼怒罵欲殺左右

惡言不較眾醫皆處藥或半載尚爾其大命戴人視之戴

人曰此難以藥治乃使十媪各釜丹粉作伶人狀其婦人

大笑次日又作角觥又大笑其旁常以兩箇能食之婦誇

其食美病婦亦索其食而為一嗜之不數日怒滅食增不

藥而痊後得子子夫醫貴有術無術何足應變無窮

針灸

狂始生先自悲也喜忘苦怒善怒者得之憂飢治之取

手太陰陽明血交而止及取足太陰陽明狂始發少臥

不飢自高賢也自辨智也自尊貴也善罵言日夜不休治

之取手陽明太陰少陰舌下視之盛者皆取之不盛釋之

也狂言聲善笑好歌樂妄行不休者得之太恐治之取

手陽明太陰太陰狂目妄見耳妄聞善呼堵少氣之所

生也治之取手太陰太陰陽明足太陰頭兩顛狂者多

食善見鬼神善笑而不發於外者得之有所大喜治之取

足太陰太陽七明後取手太陰太陽陽明狂而新發未

應如此者先取曲泉左右動脈及盛者見血有頃已不已

以法取之灸骨解二十壯頭狂太熱偏身狂而妄見妄

聞妄言視足陽明及太陽取之虛者補之血而實者瀉之

因其偃臥居其頭前以兩手四指按按頸動脈久持之卷

而切之下至缺盆中而復止如前熱法乃止此所謂推而

散之者也刺節真邪篇○頸動脈胃扶候兩旁人迎脈也胃足陽明之脈是動病甚則欲上高而歌棄衣而走故狂皆取陽明也

秦承祖灸鬼法

狐魅神邪顛狂諸病并小兒驚癇兩手大姆指用軟繩急縛之灸三壯艾炷着四處半在甲半在肉上四處盡燒一處不着其疾不愈神効唯量此法累灸累灸

明堂灸狂發怒欲殺人見鬼

身柱灸在三推灸在節下間後谿補生後谿瀉成

通玄呆痴

神門一穴沿皮向前三分先補後瀉灸之後谿補生後谿瀉成

標幽又法

太鍾 集失志呆痴 神門 中衝 鬼服 鳩尾 百會 捕心悶不已 支滯

甲狂易魚際及合谷腕骨支正少海崑崙主之 狂言笑見鬼取之陽谿及手足陽明太陽 狂歌妄言怒恐惡人

水火罵詈

工里主之 狂妄走善欠巨虛上廉主之 狂易見鬼神與火解谿主之 狂言太淵主之 心懸如飢之狀善悲而驚在面赤目黃間使主之 狂疾夜閉主之

又俠谿丘墟光明主之

狂互引頭痛耳鳴目瘳中渚主之 身熱狂志譫言見鬼瘦癯身柱主之 狂妄言怒恐惡大甚罵詈臣闕主之

欲獨閉戶牖而處

胃 喜陽明所謂欲獨閉戶牖而處者陰陽相薄也陽盡而陰盛故欲獨閉戶牖而居 帝曰陽明惡人者何也岐伯曰陽明厥則喘而惋上則惡人陽明脈解篇

針灸獨閉戶牖而處有十法

其一取胃經云胃足陽明之脈是動則病惡人與火獨閉

戶牖而處視盛虛熱寒陷下取之也

其下取胃經云胃足陽明之脈是動則病惡人與火獨閉

戶牖而處視盛虛熱寒陷下取之也

其下取胃經云胃足陽明之脈是動則病惡人與火獨閉

其二取少陰經云少陰之虛獨閉戶牖而處註云取太鍾太溪二穴
 甲熱病汗不出鼻衄眩暈作而浮腫足脛寒不得臥振寒惡人與木音喉痺齒齩惡風鼻不利多臥善驚乃兇主之
 千四脈手足悶者使人久持之厥熱脛痛股脹皮膚痛善伸
 數次惡人與木音振寒盜中引外腎痛熱病汗不出下齒
 痛惡寒目急喘滿寒慄齒齩口禁脈惰不嗜食內庭主之
 難病若閉目不欲見人者脈當得肝脈弦急而長而反得
 肺脈短而澹者死也

診
 口候
 口者脾之所主胃木腸脈之所挾經云中央黃色入通於脾開於口藏精於脾又云脾主口在藏為脾在竅為口又云脾氣通於口脾和則口能知五味矣此脾之所主於

- 口苦
- 口瘡
- 口糜
- 口臭
- 口乾
- 口甘
- 口腫
- 口唇
- 口唇瘡
- 口唇腫

口也
 又經云胃足陽明之脈挾口下交承漿又云大腸手陽明之脈挾口交入中此胃大腸之脈所挾於口也

肝氣熱則膽泄口苦全文見痰
 內經曰有病口苦名曰膽痺乃肝主謀慮膽主決斷胆汁七合是清淨之府取決於膽膽或不決為之惡怒則氣上逆膽汁上溢故口苦或熱甚而使然也以龍膽瀉肝湯主之

- 柴胡
- 黃芩
- 生甘草
- 人參
- 天門冬
- 黃連
- 草龍膽
- 山梔
- 麥門冬
- 知母
- 五味子
- 右伴吹咀都作一服水一盞煎至一盞去渣溫服食送

忌辛熱物大效

真氣上逆故口苦舌乾全文見水腫

帝曰有病口苦者病名爲何何以得之岐伯曰病名曰膽痺夫肝者中之將也取決於膽明爲之使此人者數謀慮不決故膽虛氣上溢而口爲之苦治之以胆募俞論○
膽募穴在腹，期門下五分，膽俞穴在背，第十一椎下兩旁，相去各二寸半。

口糜

熱

膀胱移熱於小腸腸腸不便上爲口糜全又見診病傳變
宜移熱湯治口糜內經云膀胱移熱於小腸腸腸不便上爲口糜好飲酒人多有此疾易老用五苓散導赤散相合

服之神效

丹治滿口白爛黃柏一兩厚黃柏一兩木錢爲末用米醋煎數沸後調上藥涎出吐之再用湯漱口即愈重者二灰羅胡黃連散治口糜

胡黃連分五 藿香錢 細辛錢 黃連錢

右爲末每用半錢乾擦口內漱吐之

必效散治口糜 白礬 大黃錢

右爲細末臨臥乾貼涎盡溫水漱之

運氣口糜皆屬熱經云少陰之復火氣內發上爲口糜治以苦寒是也

口臭喉腥

熱

本加減甘露飲治男子婦人小兒胃客熱口臭牙宣赤眼口瘡一切瘡疹已散未散皆可服之

熟地

生地

天門冬去心

黃芩

枇杷葉去毛

山茵陳

枳殼

金銀石斛

甘草略一

犀角錢三

右為末每服二錢水一盞煎至七分去其食後臨臥溫服小兒一服分作二服更斟酌與之

此方得自一品之家其間用犀角一味甚有道理百發百中急症中有一僕牙宣口臭牙齒漸頹落與二服頓愈服之無不愈者本方前集所未載此方緣得之不易故不敢輕泄服之自有奇效

本治口臭香需一把以水一斗煮取三升稍含之丹溪香薷湯能治口臭

羅肺熱喉腥治驗 梁濟民膏梁而飲因勞心過度肺氣有揚以致氣出腥臭而唾稠粘咽隘不利口苦乾燥以加

減鴻白散主之

桑白皮錢三

地骨皮半錢

知母分七

黃芩分五

五味子二十粒

桔梗錢二

難經云心主五臭入肺為腥臭此其一也因洪飲太熱之

氣所傷從心火刑於肺金以桑白皮地骨皮苦微寒降肺

中伏火而補氣為君以黃芩知母苦寒治氣腥臭清利肺

氣為臣肺欲收急食酸以收之以五味子酸溫以收肺氣

麥門冬苦寒治涕唾稠粘口苦乾燥為君桔梗辛溫體輕

浮治痰逆利咽膈為使也

右咬咀都作一服水一盞煎至一盞去渣溫服食後一

日一服忌酒濕麪及辛熱之物

聖治口臭仍醫齒腫痛細辛者取濃汁熱飲令吐瘥

實子和尚家一男子年二十餘歲病口中氣出臭如登廁雖

親戚莫肯與對語，數人曰：肺金本主腥，金為火所乘，火主真，應便如是也。及則成腐，者腎也。此九極則反兼水化也。病在上宜瀉之，以茶調散，涌而去其七分，夜以舟車丸瀉川散下，五七行此日而臭斷。

針灸 甲口中腫，真勞宮主之。

唇唇校入

六腑之華在唇，經云脾胃大腸小腸三焦膀胱皆倉廩之本，榮之居也。其華在唇，四白是也。胃脈肝脈督脈皆環唇，經云胃足陽明之脈，挾口環唇。又云肝足厥陰之脈，環唇內，經云督脈上頤環唇是也。衝脈任脈皆絡唇，經云衝脈任脈別而絡唇也，是也。唇反者死，經云反舌肌者，肉之本也。唇皮者，肉先死是也。

四肢

四肢候

陽主四肢，經云四肢者諸陽之本也。又云陽受氣於四肢，是也。陽實則肢腫，經云結陽腫四肢是也。陽虛則肢滿，經云久氣病在四肢是也。脾主四肢，經云四肢皆稟氣於胃，而不得全經，必因於脾，乃得稟著是也。脾實則四肢不舉，經云脾脈太過為病在外，則令人四肢不舉者是也。脾虛則四肢不用，經云脾藏肉形不足，則四肢不用也。又云四肢懈惰，此脾精之不行是也。治法見五臟有邪，留在支節，經云肺心有邪，其氣留于兩肘；肝有邪，其氣留于兩腋；脾有邪，其氣留于兩髀；腎有邪，其氣留于兩腘。是也。

運氣 運氣四肢不舉，皆屬濕經。云土太過曰敦鼻，敦鼻之紀，其病腹滿，四肢不舉是也。
針灸 甲風逆四肢腫，復溜主之。

醫學綱目卷之五

卷之五

肉

脾主肉經云脾主肉在體為肉在藏為脾又云邪在脾胃則病肌肉痛是也 脾病在絡經云北方黑色入通於腎故病在絡者肉之小會也

針灸 帝曰願聞絡谷之會也岐伯曰肉之大會為谷肉之小會為絡肉分之間絡谷之會以行榮衛以會太氣邪溢氣壅脈熱肉敗榮衛不行必將為膿肉治骨髓外破大腫留於節湊必將為敗積寒留舍榮衛不居卷肉縮筋助肘不得伸內為骨痺外為不仁命曰不足太寒留於絡谷也絡谷三百六十五穴會亦應一歲其小渾淫溢循脈往來微針所及與法相同論氣穴 形樂志樂病生於肉治之以針石全文見治法 濕傷肉甘傷肉經云濕傷肉風勝濕甘傷肉酸勝甘又云

禁忌

甘走肉肉病無多食甘又云多食酸則肉胝腸而唇揭是也 坐樂傷肉經云久坐傷肉又云形樂志樂病生於肉治之以針石是也

身重 怠墮嗜臥

風濕

恒身重者濕也補中益氣湯去桂加五苓散主之 潔起臥不能謂之濕身重是也小柴胡湯黃芪芍藥湯 仲風濕脈浮身重汗出惡風者防已黃芪湯主之方見傷寒身重 夏月中風濕身重如山不能轉側宜除風勝濕去起之藥治之

腎着

腎着之病其人身體重腰中冷如坐水中形如水狀反不渴小便自利飲食如故病屬下焦身勞汗出表裏冷濕久又得之腰以下冷痛腹重如帶五千錢甘姜苓朮湯主之

甘草

白朮各二

乾姜

茯苓各四

右四味以水五升煮取三升分溫二服腰中自溫

虛

肝虛腎虛脾虛皆令人體重煩寃示從容論○脾重屬

于畏而體重腎虛則脾勝之而體重也

追參木湯治脾胃虛弱元氣不能榮於心肺四肢沉重食

後昏悶

黃芪二錢

人參錢

升麻分

甘草分四

柴胡

酒黃柏各三分

青皮分

神麴分

蒼朮錢

當歸分

右咬咀作二服水二盞煎至一盞坐去茶葉熱服食前

運氣

運氣身重有五

一曰濕及濕劍腎虛而重經云太陰所至為身重又云太

陰之復體重身滿又云歲土太過濕氣流行民病體重煩

寃又云土鬱之發民病身重是也

二曰濕熱經云少陽司天之政四之氣炎暑間化其病滿身重是也

三曰寒濕經云太陰司天之政三之氣感於寒濕民病身重是也

四曰風乃本制脾虛而重經云歲木太過風氣流行民病體重煩寃又云歲土不及風乃大行民病體重煩寃又云

厥陰在泉風淫所勝病身體皆重是也

五曰金乃燥制肝虛而重經云歲金太過燥氣流行民病體重煩寃是也

針灸

針灸身重有二法

其一取脾經云脾病者身重肉痿取其經大陰陽明少陰血者又云脾足太陰之脈是動則病腹脹身體皆重視盛

虛熱寒陷下取之也
其二取腎經云腎病者身重寢汗出憎風取其經少陰太陽血者是也

怠惰嗜臥

脚濕

云脈緩怠嗜嗜臥四肢不收或大便泄瀉此濕勝從平胃散又云怠嗜嗜臥有濕胃虛不能食或沉困或瀉泄加蒼朮自洗加白朮

虛

本補虛損治勞倦一切虛極欲垂死者肥人陰虛宜服

甘草三兩

蒼朮

丁白朮 細切 同卷過宿

川椒炒四兩

草烏

半斤 水浸 宿切用鹽

右共為末用好酒糟六斤同搗三五千杵令勻為丸如桐子大每服三十丸空心溫酒鹽湯任下婦人淡醋湯

食入則困倦精神昏胃而欲睡者脾虛弱也

人參補氣湯治四肢懶倦

黃芪半錢

人參

甘草

生地

防風

白芍

五味

升麻

肉桂

熟地

生甘草

黃柏

知母

右為粗末作一服水二盞煎至一盞濾去渣空心熱服

蟲毒

江南閩中山間人以蛇虺蜈蚣蝮蝥蟻等百虫同器畜之使其日相食啖勝者為靈以祀之取其毒雜以菜菓飲食之類以害人妄意要福以圖富貴人或中之症狀萬端或年歲間人多死又有人家香火奉祀如家先者亦謂

診
 之蠱能病人世謂之蠱症以姓類屬五音謂之五蠱此皆
 邊鄙邪僻之地多有此事中都則蔑聞也
 夫中蠱毒者令人心腹絞痛如有物吐出昔如爛肉若不
 即治食入五臟即死驗令病人唾瓦沉者即是
 蠱有人行蠱毒以病人若欲知其姓名者以敗鼓皮燒作
 未飲服方寸七須臾自呼蠱家姓名可語之令呼喚將去
 則愈治之亦有方
 世驗蠱之法含一大盞其豈脹皮脫者蠱也豈不脹皮不
 脫者非也以鵠皮至病人臥所下勿令知覺病甚者尤
 居則非也治療之法必須審而後行試而後可令人偶有
 積聚脹滿之病類乎蠱者便以為蠱尤為非也凡蠱毒之
 中有緩有急急者十數日便死緩者待以歲月氣力羸敗
 食盡五臟而後死死則其毒流注於傍傍人亦成蠱注矣

吐利蠱
 毒法

無凡中毒嚼生豈不腥嚼白礬味甘者皆中毒無疑
 脈人為百藥所中傷脈浮瀼而疾者生微細者死洪大而
 遲者生千金通

無辰砂丸治蠱毒從酒食中着者端午日合

辰砂細研 雄黃另研 赤脚蜈蚣 續隨子各一

麝香錢

右為末糯米飲為丸如雞頭大若覺中毒即以酒下
 九蛇蝎所螫醋磨傳効

必效主蠱毒神效以胡荽根絞汁半升酒和服之立下

外治蠱毒土瓜根大如拇指長二七切以酒半升浸下宿

下服當吐下

崔蛇蠱食飲中得之咽中如有物噉不下吐不出悶悶心
 熱服馬兜鈴即吐出又服麝香一錢七即吐蠱毒

聖五種毒馬兜鈴根三兩為末分為三貼水一盞煎五分去查服當吐虫出未快再服

本主毒毒用大戟桃白皮以火烘乾班猫去翅足炒三物等分搗篩為散以冷水服半方寸七其毒即出不出更下服盡並出此李鏡州法大奇效若以酒中得則以酒服以食中得則以飲服之

右吐利毒法

無凡諸毒多是假毒藥以投之知時宜煮大豈甘草薺菀汁飲之通除諸毒藥

經山荳根不拘多少如中藥毒密遣人和水研以禁聲服少許不止再服一方用酒調下二錢

本食中有毒毒令人腹內堅痛兩目青黃淋露骨立病變無常用鐵精細研搗雞肝和為丸桐子大食前或後酒下

五九

蠱下血見血

無解毒丸治設食毒中并百物毒救人於必死

板藍根四兩洗

貫衆一兩剉青黛

甘草生各兩

右為末蜜丸桐子大以青黛為衣如稍精神恍惚即是誤中諸毒急取十五丸爛嚼用新水送下即解

青黛雄黃九凡始覺中毒及蛇虫咬癰疽纒作即服此毒氣不聚

青黛 雄黃分等

右為細末新汲水調下二錢

解毒丸善治男子婦人及小兒一切積熱不解停留作毒上焦壅熱咽喉不利口乾多渴伏暑困悶霍亂不寧或

出風瘡氣及食毒酒毒吐逆不定遊風丹毒迷惑昏困不
省人事虛煩發燥赤目口瘡善解即時傷寒之疾發散瘟
疫毒邪之氣及四方人不服水土一切諸毒並皆解之常
服此藥補真益氣化毒除風神效不可細述

滑石

黃芩

貫仲

茯苓

山梔

乾姜

草龍膽

大荳

青黛

甘草

薄荷

寒水石酪

益智仁

砂仁

大黃

山荳根

生地

桔梗

百藥煎

紫河車即蚤

葶藶粉

馬勃

板藍根

黃藥解

右為細末煉蜜為丸如彈子大每服一丸新汲水化下
細嚼或噙化亦得小兒半丸如婦人血暈不省生姜薄
荷水磨下一丸

世解諸毒用玉簪花根搗水服
治中諸藥毒

生甘草

黑荳

淡竹葉各等

右咬咀用水一碗濃煎連服

無礬灰散治中諸物毒

明礬

建茶各等

右為末每服三錢新汲水調下得吐即效

世解砒毒鼠莽毒用旋刺下羊血及雞鴨血熱服鼠莽草

藍飲子解砒毒及巴昔毒用藍根沙糖二味相和搗水服

之更入薄荷汁尤妙

解砒毒

白廬荳

青黛

甘草

巴荳半粒用半邊

右同為末沙糖一大塊水化開調一大盞飲之砒毒隨

利去却服五苓散之類

解砒毒用旱禾稈燒灰新汲水淋汁瀘過冷服下碗毒從利下即安又方用甘花水調荳粉或荳蔻水汁皆可

解砒毒

漢椒九粒

黑荳粒十四

甘草節二寸烏梅二

右咬咀用水一盞煎至七分溫服

解鼠莽

解鼠莽草毒用枯過明礬同上等好末茶少許新汲水調服人有用之累效 解鼠莽草毒用大黑江荳煮汁服之如欲試其驗先刈鼠莽苗葉以荳汁澆其根從此敗爛不復生矣

復生矣

解諸食毒

治自死六畜肉中毒方用黃柏搗屑服方寸匕 治鬻肉漏脯中毒鬻肉容蓋蓋之漏者者是也 燒木屎鬻肉者屋漏下湖在者是也 治黍瀉服方寸匕或服人乳汁或飲菲汁二三升亦良 治黍

禾中藏肝脯食之中毒方大荳濃汁飲數升即解亦治狸

肉漏脯等毒 治食生肉中毒方掘地深三尺取其下土

三升以水五升煮數沸澄清汁飲一升即愈 治六畜馬

獸肉中毒方水浸豈鼓絞取汁服數升即愈

治馬肝毒中人未死方雄鼠屎二十七粒末之水和服日再

服尿尖 又介蟾取方寸服之佳 治馬肉中毒欲死方

香豉二兩杏仁三兩相和蒸一食頃熟性服日再服又方

煮蘆根汁飲之良 治噉蛇牛肉食之欲死方辨噉蛇牛肉毛髮向

後順者 飲乳汁一升立愈 以泔洗頭飲一升愈 牛

膝細切以水一斗煮取一升煖飲之大汗出即愈 治食

牛肉中毒甘草煮汁飲之即解 治食大肉不消心下堅

或腹脹口乾大渴心急發熱妄語如狂或洞泄方杏仁一

升炒皮熟研以沸湯三升和取汁分三服利下肉片出大

騷鳥獸有中毒箭死者其肉毒用大青煮汁及藍汁服之即解

世候吞蜈蚣用生雞血令病人吃須更以清油灌口中其蜈蚣滾在血中吐出繼以雄黃細研水調服愈

世鱸食在心管間不化吐不出速下除之久成癥病方陳皮兩 大黃兩 朴硝兩

右三味以水一斗升煮取半升頓服消食鱸多不消結為癥病治用馬鞭草搗汁飲之或以姜葉汁飲一升亦消 又可服吐藥吐之 食魚後食毒物

煩亂用陳皮濃煎汁服之即解 食鱸鯪魚中毒用蘆根煮汁服之即解

世治食河豚魚中毒一時困死身全無藥以清油多灌之使毒物盡吐出為愈

仲食蟹中毒治用紫蘇煮汁飲一升紫蘇子搗飲之亦用冬瓜汁飲一升吃冬瓜亦可 食菓中毒用猪骨燒過

末之服方廿七亦治馬肝漏脯等毒 世解一切菌毒掘新地窟以冷水於內攪之令濕少頃取

飲之見本草陶隱居註謂之地漿 荷葉殺薑毒 仲食諸菌中毒悶亂欲死治方 人糞汁飲一升 土漿

飲一升 太豈濃煮汁飲之 服諸吐利藥並解 取糞汁法截淡竹去青皮浸漚其中取筒中汁是也 食楓樹

菌而笑不止亦治以前方 世薑毒吐瀉不止者用細茶葉研細以新汲井花水服神

効 治薑毒欲死方用石首魚頭或蒼頭亦妙白水煮汁灌之即愈 治中薑毒用笹竹不入泥堵數節煎湯飲之

立效

仲誤食芋煩毒欲死亦治以前方其芋根山東人名魁芋
人種芋三年不收亦成野芋並殺人蜀椒閉口者有毒
誤食之戟令咽喉氣欲絕或吐下白沫身體痺冷急治之
用肉桂煎汁飲之或食蒜或食地漿或濃煮豉豉汁
飲之並解

仲食躁或躁方用豉煮濃汁飲之鈞吻與芹菜相似誤
食殺入解之用薤老八兩水六升煮取三升分溫二服鈞
吻生池傍無他異其莖有毛以此別之菜中有水菘若
葉真而尤有毒誤食之令人狂亂狀如中風或吐血治之
用甘草煮汁服之解春秋二時龍帶精入芹菜中入偶
食之為病發時手背腹滿痛不可忍名絞龍病治之用錫
糖二升且兩度服之吐出如蠶腸三五枚噎食苦藥
中毒治之用黍穰煮汁服之解飲食中毒煩滿治之用

苦參三兩苦酒一升半煮半沸三上三下服之吐食出即
瘥或以水者亦得犀角湯亦解貪食食多不消心腹
堅滿痛治之用鹽一升水三升煮令鹽消分三服當吐出
食便瘥

奇病

雜方
項上生瘡如櫻桃大有五色瘡破則項皮斷但逐日飲牛
乳自消寒熱不止經日後四肢堅如石以物擊之一似
鍾磬聲日漸瘦惡用茱萸木香等分煎湯飲即愈大腸
頭出寸餘痛苦直候乾自退落又出名為截腸病若腸盡
乃不治但初截寸餘可治用脂麻油器盛之以鷄坐之飲
大麻子汁數升愈口鼻中腥臭水流以碗盛之有鐵色
蝦魚如粳米大走躍不住以手捉之即化為水此肉壞矣
任意饒食雞肉愈腹上麻痺不仕多煮葱白吃之自愈

婦人小便中出大糞名交腸服五苓散效如未盡愈可
用舊幘頭燒灰酒服之 兩足心凸如腫上面生黑色草
瘡硬如釘子釘子履地不得脛骨破碎眼髓流出身發寒
顫唯思飲酒此是肝腎氣冷熱相吞用炮川烏頭末傳之
煎韭子湯服效 凡腹脹經久忽瀉數升晝夜不止服藥
不驗乃為氣脫用益智子煎濃湯服立愈 四肢節脫但
有皮連不能舉動名曰筋解用酒浸黃蘆三兩經一宿取
出焙乾為末每服一錢酒調下服盡安 玉莖硬不痿精
流無歇時時如針刺捏之則脆乃為腎滿痛疾用韭子破
故紙各一兩為末每服三錢水一盞煎至六分日三次飲
之愈則住服 咽喉間生肉層層相疊漸漸腫起不痛多
日乃有齧子臭氣自出遂退飲食用臭橘葉煎湯連服愈
腹中如銖石臍中水出旋變作虫行之狀繞身匝啄痔

痛難忍撥掃不盡用濃煎蒼朮湯浴之 以蒼朮末入麝香
少許水調服啞 眼前常見諸般禽虫飛走以手捉之則
無乃肝膽經為疾用酸棗仁羌活玄明粉青箱子花各一
兩為末每服一錢水一盞煎至七分和滓飲下日三服
大腸虫出不斷斷之復生行坐不得用鶴風末水調五
錢服之自愈 眼睛垂出至鼻如黑角色痛不可忍或時
時大便血出名曰肝脹用羌活煎汁服數盞自愈 腹中
有物作聲隨人語言用板藍汁一盞分五服服之又名應
聲虫當服雷丸自愈 有飲油五升以來左始快意長得
吃則安不爾則病此是變入胃被氣血裹了化為虫也用
雄黃半兩為末水調服虫自出如虫活者置於油中透巡
聞連油澄之長江 治臥於床四肢不能動只進得食好
大言說與物謂之朱說物望病治法如說食猪肉時便云

你喫猪肉一頓病者聞之即喜遂置肉令病人見臨要却
 不與喫此乃失他物望也當自睡中涎出便愈 手十指
 節斷壞唯有筋連無節肉虫出如燈心長數尺餘遍身綠
 毛卷名曰血餘以茯苓胡黃連煎湯飲之愈 遍身忽皮
 底混混如波浪聲痒不可忍抓之血出不能解謂之氣奔
 以人參普救青鹽細辛各一兩作一服水一碗煎十數沸
 去渣飲盡便愈 眼白渾黑見物依舊毛髮直如鍊條雖
 能飲食不語如醉名曰血潰用五灵脂為末一錢酒調下
 因着艾灸訖大痂便退落瘡肉鮮肉片子飛如蝶形狀
 騰空去了痛不可忍是血肉俱熱用木黃朴硝各半兩為
 末水調下微利即愈 臨臥渾身虱出約至五升隨至血
 肉俱壞每宿漸多痒痛不可言狀雖喫水臥床晝夜號哭
 舌尖出血不止身齒俱黑唇動鼻開但飲鹽醋湯十數碗

即安 眼赤鼻張大喘渾身出班毛髮如銅鍊乃胃中熱
 毒氣結於下焦用白礬滑石各一兩為末作一服水一碗
 煎至半令不佳飲候盡乃安 有虫如蠅走於皮下作聲
 如小兒啼為筋肉之化用雷丸雄黃各一兩為末搽在猪
 肉片上炙熟喫盡自安 手足甲忽然長倒生肉刺如錐
 痛不可忍喫菜菜自愈 鼻中毛出晝夜可長一尺漸
 漸相圓如繩痛不可忍雖忍痛摘去一莖即後更生此因
 食猪羊血過多遂用乳香礬砂各一兩為末以飯圓梧栴
 子大空心臨臥各一服水下十粒自然退落 面上及遍
 身生瘡似猫兒眼有光彩無膿血但痛痒不常飲食減少
 久則透脰名曰寒瘡多喫魚雞非葱自愈 脇破腸出臭
 穢急以香油搗膠用手送入煎人參枸杞林之皮自合矣
 喫羊腎粥十日即愈 口鼻中氣出盤旋不散涎如黑墨

醫學綱目卷五

李

色過十日漸漸至有胸與肉相連堅勝金鐵無由飲食此
 多因瘡後得之煎澤瀉湯日飲三盞連服五日愈 偏身
 忽然肉出如錐既痒且痛不能飲食此名血癰若不速治
 潰而膿出以赤皮葱燒灰淋洗與鼓湯數盞自安 眉毛
 搖動目不能視交睫喚之不應但能飲食有經日不效者
 用蒜三兩取汁酒調下即愈 手竅節次血出若血不出
 皮脹膨如鼓須更眼鼻口被氣脹合此名脈溢飲生姜水
 汁各一盞即安 忽然氣上喘不能語言口中汁流吐
 逆齒皆搖動氣出轉大則閉絕蘇復如是名曰傷寒併熱
 霍亂用木黃人參末各半兩水三盞煎至一盞去滓熱服
 可安 口内生肉球臭惡自己惡具有根線長五寸餘如
 銀股吐涎出飲食了欲吞其線以手輕捏痛徹於心困不
 可言用水調生麝香一錢服三百驗 渾身生瘰泡如甘

棠梨每箇破出水內有石一疋如指甲大泡復生抽盡那
 肉不可治急用荆三稜蓬莪木各五兩為末分三服酒調
 連進愈 頭面發熱有光色他人手近之如火燒用蒜汁
 半兩酒調下吐如蛇狀速安 人自覺自形作兩人並臥
 不別真假不語問亦無對乃是離魂用辰砂人參茯苓濃
 煎湯服之真者氣爽假者化也 男子自幼喜飲酒至成
 工後日飲一斗升不醉片時無酒叫呼不絕全不進食且
 就羸弱令其父用手巾縛住其手足不令動搖但扶少立
 卻取生辣酒一壘就於其子口邊打開其酒氣衝入口中
 病者必欲取飲堅不可與之須臾口中忽吐物一塊直下
 壘中即用帛封裹壘口用猛火燒液約酒乾一半即開視
 之其一塊如猪肝樣約三兩重週面有小孔如針眼不可
 數計棄之於江飲食復舊雖滴酒不能飲矣 夜間飲水

誤吞水蛭入腹經停月餘日必生下小蛭能食人肝血腸
 痛不可忍面黃瘦全不進食若不早治能令人死用印
 中乾泥一小塊小死魚三四箇將豬脂溶攪勻用巴豆十
 粒去殼膜研爛入泥內為丸菴荳大用田中冷水吞下十
 九小兒只用三九至五九須臾大小水蛭一時皆瀉出欲
 以四物湯加黃芪煎服生血補理防見婦人婦人產後
 忽兩乳伸長細小如腸垂下直過小肚痛不可忍若須
 臾名曰乳懸將川芎當歸各二斤半片剉散於瓦石器內
 用水濃煎不拘時候多少溫服餘一斤半剉作大塊用香
 爐慢火逐旋燒烟安在病人面前卓予下要烟氣在上不
 絕令病人低頭伏卓子上將口鼻及病乳常吸烟氣直候
 用此一料藥盡看病證如何或未全安畧縮減再用一料
 如前法愈服及燒烟薰吸必安如用此二料已盡雖兩乳

畧縮上而不復舊用冷水磨蓖麻子一粒於頭頂心上塗
 片時後先去則全安矣
 木肉離經而用力太過以致膏膜有傷產後水道中垂出
 肉線一條約三四尺長牽乳心腹痛不可忍以手微動之
 則痛欲絕先服笑散數服仍用老姜三斤淨洗不去皮
 於石鉢白內研爛用清油二斤拌勻入鍋內炒熟以油乾
 焦為度先用熟絹段約五尺長摺作結方令穩重婦人輕
 輕盛起肉線使之屈曲作一團約在水道口卻用綉袋兜
 裏候油盡稍溫傳在肉線上熏覺姜漸冷又用熨斗火熨
 熱使之常有姜氣如姜氣已過除去又用新者如此重熨
 一白一夜肉線已縮大半再用前法越兩日其肉縮盡
 入腹中其病全安卻再服笑散等湯補理切不可使
 肉線斷作兩截則不可醫 有人患勞瘵兩年諸藥不効

一曰明肉味其腹痛不可忍又恐傳染移在空房候其自
終經停三百病者肢痛氣息將絕思憶肉味之急忽有人
惠雞子三枚其病人俛仰取火低頭取瓦銚前熟吹火屢
然屢滅鼻中如有所碍將熟間忽噴噴一聲有紅線一條
自鼻中出牽抽約二尺長趁下尾銚中病人知是怪物急
用碗覆前銚中尽力燒火不在其銚欲裂方佳火開銚止
之乃是小虫一條頭自皆具已煨死如鉄線樣即以示家
人後棄之於江其病即安 居民逃避石室中賊以烟火
熏之欲死迷悶中摸索得一束蘿蔔嚼汁下咽而甦又炭
烟熏人往往致死含蘿蔔一片著口中烟氣不能毒人或
頑燥乾為末備用亦可或新水搗爛乾蘿蔔飲之亦可
自行擲穿斷舌心血出不止以米醋用雞翎刷所斷處其
血即止仍用真蒲黃杏仁去皮尖糊砂少許研為細末煉

蜜調樂稀稠得所噲化而安 身上及頭面肉上浮腫如
蛇狀者用雨滴指礫上苔痕一錢水化開塗蛇頭上立消
治病人齒無色舌上白或喜睡不知痛痒處或下疳宜
急治下部不曉此者但攻其上不以為意則下部生虫食
其肛爛見五臟便死燒艾於管中熏下部令烟入更入少
雄黃良胡後 有人被蜘蛛咬腹大如孕婦其家棄之乞
食於道有僧遇之教飲羊乳未幾日而平 瘡疥鬼
猫鬼病人不肯言鬼方鹿角屑搗散以水服方寸匕即實
言也 蛟龍子生在芹菜上食之入腹變成龍子須
慎之用錫粳米杏仁乳餅煮粥食之三升日三服吐出蛟
龍子有兩頭 鬼擊之病得之無漸卒者如刀刺形胸脇
腹內切痛不可抑按或即吐血衄血下血一名鬼排斷曰
犬頭取熱血一升飲之

